

歷代名家尺牘

清 代 尺 牘

(上 冊)

上海文書局印行



上海图书馆藏书



A541 212 0014 9337B

# 歷代名家尺牘例言

書啓牋簡名目不一綜覈義實各有隸屬茲從周氏尺牘新鈔吳氏昭代尺牘例以定厥名較爲普通

本編之選注重文學專集總集刊本抄本博覽約取甄錄綦嚴

自周迄清年歷綿遠由質趨文由簡趨繁風會使然各有佳妙不得歧視每編簡首附以小傳論世知人不無裨益

言理言情言事論古論政論文短長兼錄駢散並收一編之中無體不備  
評論陋習未敢因依祇加圈點利便誦讀見仁見知會心不遠是在善學  
刊本相沿魯魚亥豕不無訛奪一字之類一句之疵灼知其誤或勇改之或逕刪之要以無碍上下語氣爲斷

卷頁多少各編不同或合數代爲一編或分一代爲上下卷短祚之朝采錄不多

歷代名家尺牘 例言

以次附後要於應有盡有

歷代名尺牘  
清代尺牘序

歷代文學至清而集其大成經史尙矣詩文之成家者不可以僂指數固已靡體不具有美必臻矣尺牘爲文之一體而論說記述之能事往往於尺牘中觀之名家撰集以此列前所謂洋洋大文今古傳誦者往往不在彼而在此袁隨園肆其狂口斥爲唾餘而以信手任心謔浪笑傲者當之誤矣當清道光時海鹽吳氏曾刻昭代名人尺牘宣統時江陰某氏又從而續刻之原稿付石以存真跡然第備書苑之保存藝林之賞鑑已耳而於蒐輯之備甄擇之精所以爲後學準繩者固未之及也本編爲文學前途計徑此以爲之階梯自清初以至清季短長並取駢散兼收亦復靡體不具有美必臻而於中兼論說記述之體者尤注意甄入以便學者之因此悟彼焉劉彥和云文藻條流托筆札小道云乎哉

民國十六年五月吳興王文濡識

清代尺牘序



清代尺牘序

# 清代尺牘目錄

## 上卷

- 與鄭汝器書 張風 寄三無道人書 孫奇逢 辭張郡侯請修郡志書 再辭張  
郡侯修志書 謝陳介眉代辭博學宏詞書 以上黃宗羲 與當事論出處書 李  
顥 與葛瑞五書 徐枋 與趙韞退大參書 王宏撰 復吳綺園書 屈大均 戲  
答練石林書 杜濬 與龔芝麓總憲書 余懷 與杜于皇書 曹溶 癸未去金陵  
日與阮光祿書 侯方域 與金長留書 李雯 寄廣陵宗定九書 龔鼎孳 與李  
處士書 與傅青主書 以上儲方慶 答尤展成書 宋琬 與宋牧仲書 計東  
與應仲謀書 謝良琦 與陳伯璣書 方拱乾 汝陰與人書 熊文舉 答賀子翼  
季子兩先生書 黎士弘 上劉相國書 施閏章 與韓貫華書 金人瑞 與友人  
論羅城事書 于成龍 致汪茗文書 王士正 與林鐵崖書 王士祿 與王貽上

書趙進美 答顧亭林書 湯斌 上熊孝感相公書 陶元淳 與櫟園論字學書

徐芳 與沈位山書 嚴虞惇 慰黃子叙書 裘璉 寄王大宗伯書 尤侗 與李

武曾論文書 朱彝尊 與陳際叔書 陳維崧 與從子天士書 賀裳 答謝生書

方燦如 答陳翰林書 與韓樾老定州書 以上蒲松齡 與皇甫君書 魏祥

與王阮亭書 張九徵 心喪劄子 答鄞令 與友人絕交書 與厲樊榭勸應制

科書 以上全祖望 與翁止園書 方苞 與望谿先生書 沈彤 上濟齋夫子書

李錯 答錢湘靈書 沙張白 擅責旗斯謝岱將軍啓 與蔣苕生書 以上袁枚

與熊中丞論志書書 錢維城 與朝鮮洪薰谷書 紀昀 與溫一齋論書書 梁

同書 與錢巽齋論行述書 陸耀 與履先羅孝廉書 胡天游 答祝潤璋論家

祭禮書 任兆麟 答張水屋書 寄諸搗堂書 以上吳錫麒 與左仲甫書 吳士

模 與陳雲伯書 答趙良甫書 以上楊芳燦 與楊蓉裳農部書 蔣學沂 與

張海門論駢體文書 丁泰 與蔣爰亭夫子贈羊裘謝啓 龍汝言 與兵侍周石



芳先生書 報工侍吳先生書 上工侍師二書 上工侍師三書 上都憲師  
四書 與盧抱經先生論公穀書 答陳雲伯書 以上王曇 答吳聽山書 答  
葉燾菴募輯釋典韻編書 答許青士書 以上胡敬 與友人書 陸繼輅 貽友  
人書 劉嗣綰

## 下卷

答某孝廉書 與子和農部書 與張子和書 以上孫原湘 與朱武曹書 與  
劍潭書 以上汪中 與彭甘亭書 吳慈鶴 致當事書 汪喜孫 與林香海翰林  
書 龔景瀚 答魯賓之書 姚鼎 與番舶求日本佚書書 龔自珍 與莊葆琛書  
楊夢符 與漳州諸同人書 陳壽祺 答任幼直先生書 吳定 與方植之書 李  
兆洛 乞食啓 彭績 答王癡山先生書 樂鈞 與黃生論妻黨書 鄧瑤 致潘  
芸閣河帥書 林則徐 與盛雲泉論金石書 黃金臺 寄蔡樹百光祿書 譚瑩  
後答胡桂山大令書 鄭獻甫 上程問源中丞啓 答朱丹木書 以上梅曾亮

與董小雲書 傅桐 與陳頌南書 張穆 與人論祝壽書 陳澧 與朱薌孫書 顧

壽楨 復朱蘭坡師書 馮桂芬 致曾滌生書 倭仁 答莊芝階書 金應麟 揚

州寄湯海秋郎中書 姚燮 與陳芝楣書 湯鵬 與王璞山書 復彭麗生書 以

上曾國藩 復曾爵相書 羅汝懷 復曾滌生論文書 戴熙 答門人岑琇轅論

駢體文書 譚宗浚 與曾滌生侍郎書 劉蓉 己未上曾侍郎書 吳敏樹 答吳

費君書 與陳碩父先生書 以上姚謙 與夏薪卿書 譚獻 謝李少荃中丞書

錢振倫 賀左相封侯啓 吳可讓 上吳子苾閣學論國朝古文書 陸心源 與

柯山親友書 與潘伯寅副都書 復張孝達書 以上李慈銘 與李恣伯同年


書 上薛慰農夫子書 以上趙銘 復陳子餘論韓文書 與陶之方書 以上施

補華 致沈幼丹制軍書 復吳又桓刺史書 再與笏山書 以上郭嵩燾 與

郭意城書 彭玉璽 與胡潤之書 與吳子儁太史書 以上左宗棠 刺血求援

書 沈文肅夫人 復王霞軒太守書 何斌 復查翼甫書 張裕釗 答程曦之書

答章觀瀛書 以上吳汝綸 答汪蓮府昆季書 賀周仁甫新婚啓 與肅毅  
伯李少荃同年前輩書 報孫蓮叔書 以上俞樾 與劉二丈書 董兆熊 與諸  
暨義軍統領包君書 報李恂伯書 答南社諸子書 以上王詒壽 徵刻江蘇  
先哲遺書啓 黃體芳 上當道論時務書 王韜 答友人書 在倫敦致丁雨生  
中丞書 代李伯相答彭孝廉書 以上曾紀澤 上李伯相論畿南水患書 王炳  
燮 與袁爽秋書 王仁堪 復嶽麓書院主講王益吾祭酒書 陳寶箴 復南海  
康主政書 經元善 與譚仲修書 張蔭桓 寄陳鏡蓉書 吳存義 致陸存齋書  
張度 答康長素第三書 朱一新 復康太學書 簡朝亮 謝左軍門寶賞贈羊  
裘啓 徐景濤 將抵橫濱寄烏筠溪妹倩書 王詠霓 致吳子修太史書 袁昶  
復督署某幕書 徐廣陞 致吳執厂書 梁鼎芬 致吳子修太史書 陸元鼎 復  
吳子修學使書 楊文瑩 與裴樾岑年伯書 與劉松生將軍書 以上易順鼎



# 清代尺牘作者小傳

張風上元人字大風一名觀明諸生入清棄去書畫有別趣歛署真香佛空或稱昇州道士有雙鏡亭詩

孫奇逢容城人字啟泰一字鍾元明萬曆舉人晚歲講學蘇門之夏峯因稱夏峯先生其學以慎獨爲宗初主陸王後更和通朱子之說自明至清十一徵不起康熙中卒年九十二著有四書近旨讀易大旨等書

黃宗羲餘姚人字太冲號梨洲明諸生魯王監國授左都御史明亡奉母還家康熙間薦舉鴻博不就徵修明史固辭不起著有南雷文定宋元明儒學案等書卒後門人私謚文孝學者稱南雷先生

李顥蓋厓人字中孚性至孝年十九隻身赴襄城訪父遺骸顧炎武爲作襄城紀異詩康熙中前後以隱逸眞儒薦至拔刀自刺乃免自署曰二曲土室病夫杜

門不出以終有四書反身錄二曲集等書

徐枋長洲人字昭法號俟齋自號秦餘山人明崇禎舉人工書畫明亡以父殉難隱居不出與沈壽民巢鳴盛爲海內三遺民有居易堂集俟齋集

王宏撰華陰人字無異一字文修號山史工書能文精金石之學康熙中薦鴻博以病辭著有砥齋集

屈大均番禺人初名紹隆字翁山明諸生遭亂棄去爲浮屠中年返初服工詩與陳恭尹梁佩蘭稱嶺南三大家有詩外文外廣東新語等書

杜濬黃岡人字于皇號茶村明諸生明亡隱居金陵不出詩文豪健有變雅堂集  
余懷莆田人字澹心一字無懷號曼翁又號曼持老人生於明季僑居江寧有味外軒稿

曹溶秀水人字秋嶽號倦圃一字潔躬明崇禎進士官御史順治初歸清授原官遷廣東布政使降山西陽和道著有崇禎五十宰相傳靜惕堂詩集

侯方域商邱人字朝宗與桐城方以智如皋冒襄宜興陳貞慧稱四公子明末以避阮大鍼走依鎮帥高傑豪邁多大略早卒有壯悔堂文集四憶堂詩集

李雯上海人字舒章力學好古與陳子龍齊名順治初廷臣交薦雯才可用授內院中書

龔鼎孳合肥人字孝升號芝麓明崇禎進士官至兵科給事中入清歷刑兵禮三部尚書卒諡端毅鼎孳洽聞博學工詩古文與錢謙益吳偉業齊名稱江左三大家

儲方慶宜興人字廣期號遜庵康熙進士舉鴻博未遇知清源縣多善政有遜庵文集

宋琬萊陽人字玉叔號荔裳順治進士與施閏章齊名世稱南施北宋有安雅堂集

計東吳江人字甫草號改亭弱冠著籌南五論上於史可法可法奇之順治間舉

順天鄉試三上春官不第與吳中名士結社論文以終有改亭集

謝良琦全州人號石臞明崇禎舉人入清官常州府通判有醉白堂文集

方拱乾桐城人字坦庵明天啟進士官左諭德兼侍讀入清官少詹事以江南科場案納賄作弊坐流竄古塔釋歸有寧古塔志方詹事集

熊文舉新建人明崇禎進士官吏部郎中福王時以文舉曾附李自成入從賊案順治初投誠官至兵部右侍郎

黎士弘長汀人字媿曾順治舉人歷官江西陝西江南頗著政績以蕩寇晉秩布政司參政乞歸卒有西陲聞見錄託素齋詩文集等

施閏章宣城人字尙白號愚山順治進士康熙間召試鴻博官至侍讀學士詩勝於文詩文均有集

金人瑞長洲人本姓張名采後改姓金名喟一名人瑞聖歎其字也爲人狂傲有奇氣莊騷馬史杜律水滸西廂記各有批評清初以抗糧哭廟案被誅



于成龍永寧人字北溪順治間副貢知羅城縣七年多善政後遷黃州同知平土賊何大榮民尤德之善治盜所至以清廉著官至兩江總督卒諡清端有于山奏贖政書

王士正新城人本名士禎避世宗諱改今名字貽上號阮亭別號漁洋山人順治進士官至刑部尙書諡文簡詩爲一代正宗有帶經堂集池北偶談等數十種王士祿士禎兄字子底號西樵順治進士官吏部考功員外郎工詩與弟士祐士禎號三王以母喪哀毀卒有讀史蒙拾等書

趙進美益都人字嶷叔一字韞退明崇禎進士入清官福建按察使有清止閣集湯斌睢州人字孔伯一字荆峴號潛庵順治進士康熙間召試鴻博官江蘇巡撫工部尙書卒諡文正有湯子遺書睢州志等書

陶元淳常熟人字子師康熙進士知瓊州昌化縣時常步行村落間詢民疾苦署知崖州事卒有廣東志南崖等集

嚴虞惇常熟人字寶成號思庵康熙進士授編修館閣文字多出其手累官太僕寺少卿後典試湖廣因衡鑑盡瘁出闈十日而卒有詩經質疑嚴太僕集等書  
裘璉慈谿人字殷玉康熙進士選庶吉士有橫山集

允侗長洲人字同人更字展成號悔庵晚號良齋又號西堂老人以鄉貢除永平推官坐事降調康熙中召試鴻博授檢討歷官侍講侗工詩詞古文每一篇出傳誦遍人口後入翰林聖祖稱之爲老名士有西堂雜俎鶴栖堂文集等書

朱彝尊秀水人字錫鬯號竹垞年十七棄舉業肆力古學康熙間舉博學鴻詞入翰林官檢討有曝書亭集經義考明詩綜等

陳維崧宜興人字其年號迦陵康熙中舉鴻博授檢討與修明史有湖海樓詩集  
迦陵文集

賀裳丹陽人字黃公康熙初諸生取明人評史諸書義有未當者折衷其是有史

方榮如淳安人字若文一字文翰號樸山康熙進士遂經學工古文與方苞方舟稱三方有集虛齋集

蒲松齡淄川人字留仙號柳泉康熙歲貢所著聊齋志異極膾炙人口其詩文曰聊齋集

全祖望鄞人字紹衣一字謝山乾隆進士選庶吉士散館歸不復出其學淵博無涯淡有漢書地理志質疑結埼亭集等書

方苞桐城人字靈皋號望溪康熙進士坐戴名世南山集事下獄後官至禮部右侍郎有望溪集等

沈彤吳江人字冠雲號果堂諸生乾隆初召試鴻博不遇與修三禮及一統志書成授九品官以親老辭歸有果堂集

李鏊漢軍正黃旗人字鐵君號豸青山人與妻隱於盤山買田豸峯下雜山毗以耕爲詩古奧峭削有含中集南史稿

沙張白江陰人初名一卿字介臣號定峯有讀史大略定峯文選定峯樂府

袁枚錢塘人字子才號簡齋乾隆進士以庶吉士散館歷知溧水江寧等縣早歲解組寓居金陵築隨園以終老有小倉山房集

錢維城武進人字幼安一字宗磐號紉庵又號稼軒乾隆進士官至刑部左侍郎卒諡文敏有茶山集

紀昀河間人字曉嵐一字春帆晚號石雲乾隆進士爲四庫全書館總裁曾撰目錄提要一編分支別派挈綱提領世稱淹博官至協辦大學士太子太保卒諡文達有遺集及閱微草堂筆記

梁同書錢塘人字元穎乾隆舉人賜一體殿試選庶吉士累遷侍講以憂歸不復仕嘉慶閒重赴鹿鳴賞侍講學士銜工書精賞鑑自顏其齋曰山舟世稱山舟先生有頻羅庵遺集

胡天游山陰人字稚威有才無遇以副貢生終乾隆時徵鴻博又舉經明行修皆

緣意外事報罷有石筍山房集

彭績長洲人字其凝更字秋士布衣有秋士遺集

任兆麟震澤人字文田一字心齋諸生舉孝廉方正有竹居集

吳錫麒錢塘人字聖徵號穀人乾隆進士由編修官至祭酒工詩詞駢文有有正  
味齋集

龔景瀚閩縣人號海峯乾隆進士嘉慶間教匪蔓延上堅壁清野策因以盪平官  
至蘭州知府有靜澹齋文鈔

姚鼐桐城人字姬傳一字夢穀乾隆進士官刑部郎中以文名重天下有古文詞  
類纂惜抱軒集

王曇秀水人一名良士字仲瞿乾隆舉人好游俠通兵家言善弓矢上馬如飛慷  
慨悲歌不可一世有烟霞萬古樓集

汪中江都人字容甫乾隆拔貢生精六書說文金石之學晚年專治經術有述學

內外篇廣陵通典等書

吳士模武進人字晉望篤嗜理學有謹心愧人語錄

楊芳燦無錫人字蓉裳以貢生選爲伏羌縣令時逆回搆亂守城五日圍解擢知

靈州尋遷戶部員外郎有吟翠軒稿

丁泰平湖人字禮安號卯橋嘉慶進士官內閣中書有仙舄廬詩集禮記隨筆

龍汝言桐城人字錦珊一字子嘉嘉慶進士官修撰後改內閣中書有賜硯齋集

胡敬仁和人字以莊號書農嘉慶進士官翰林院侍講學士有崇雅堂文集

陸繼輅陽湖人字祁孫一字修平嘉慶舉人官貴溪知縣工詩文有崇百藥齋詩

文集

劉嗣綰陽湖人字簡之號芙初嘉慶進士官編修後主東林書院有尙綱堂詩文

集

孫原湘昭文人字子瀟號心青嘉慶進士改庶吉士充武英殿協修工駢散文兼

擅書畫有天真閣集

吳慈鶴吳縣人字韻皋號巢松嘉慶進士官翰林院侍讀有鳳巢山樵求是外編汪喜孫中子一名喜荀字孟慈嘉慶舉人官懷慶知府有且住庵詩文稿

陳壽祺閩縣人字恭甫號左海嘉慶進士官翰林院編修晚年自號隱屏山人有左海全集

吳定欵人字殿麟號澹泉諸生嘉慶初舉孝廉方正有周易集註紫石山房詩文集

李兆洛武進人字申耆嘉慶進士官鳳臺知縣工詩古文有李氏五種養一齋集樂鈞臨川人初名宮譜字元淑號蓮裳嘉慶舉人工詩有青芝山館詩集

林則徐侯官人字元撫一字少穆嘉慶進士官道光時官兩廣總督以禁鴉片事與英人戰和議成謫戍伊犁旋又起用官雲貴總督加太子太保卒諡文忠有政

書雲左山房詩集

黃金臺平湖人字鶴樓歲貢生有木雞書屋詩文鈔

龔自珍仁和人後名鞏祚字璉人號定盦道光進士官內閣中書性喜佛學宗五子尤得力於莊老有定盦集

鄧瑤新化人字伯昭又字小耘道光拔貢官麻陽教諭有雙梧山館文鈔

譚瑩南海人字兆仁號玉生道光舉人官化州訓導有樂志堂詩文集

鄭獻甫象州人字小谷道光進士官刑部主事後主講榕城書院有愚一錄家藏書目解題及詩文集

梅曾亮上元人字伯言道光進士工詩古文有柏楸山房集

傅桐泗州人字味琴道光拔貢工駢體文有梧生駢體文鈔

陳澧番禺人字蘭甫道光舉人博洽多聞有漢儒通義東塾集等書

馮桂芬吳縣人字林一號景亭道光進士工古文辭兼通算學有顯志堂詩文集

倭仁蒙古正紅旗人姓烏齊格里氏字良齋道光進士累官文華殿大學士卒諡



文端

金應麟錢塘人字亞伯道光進士由內閣中書官至大理寺少卿有多華堂詩文集

姚燮鎮海人字梅伯號復莊道光舉人詩詞駢體文有大梅山館集

湯鵬益陽人字海秋道光進士累官至山東道監察御史詩文豪放尤熟於軍國利病有浮丘子海秋詩文集

曾國藩湘鄉人字伯涵號滌笙道光進士改庶吉士官至大學士兩江總督以平粵匪功封一等毅勇侯世襲卒諡文正有曾文正全集

羅汝懷湘潭人字念生道光拔貢官龍山訓導有綠漪草堂詩文集

戴熙錢塘人字鹿牀號醇士道光進士官至兵部右侍郎死於洪楊之難諡文節詩書畫並有名於時有畫絮粵雅集

劉蓉湘鄉人字孟容號霞仙入曾國藩幕府以諸生累薦官至陝西巡撫同治間

罷歸有養晦堂詩文集

吳敏樹巴陵人字本深號南屏道光舉人官瀏陽訓導有杵湖詩文集

錢振倫歸安人字崙仙道光進士官至國子監司業有示樸齋文集

吳可讀皋蘭人號柳堂道光進士官至國子監司業有示樸齋文集

郭嵩燾湘陰人字伯琛號筠仙道光進士官至兵部左侍郎乞休歸更號玉池老

人築室曰養知書屋著述甚多有禮記大學中庸質疑養知書屋文集詩集奏

疏讀書記等書

彭玉馨衡陽人字雪琴洪楊事起曾國藩治水師於衡陽玉馨與楊岳斌分統之

轉戰長江各省功甚偉官至兵部尙書卒諡剛直

左宗棠湘陰人字季高道光舉人洪楊時以四品京堂統軍轉戰浙江福建等省

累官總督拜東閣大學士封恪靖侯諡文襄

沈文肅夫人葆楨妻林則徐女

何栻江陰人字蓮舫號悔餘道光進士官至吉安知府工詩古文善書有悔餘庵全集

張裕釗武昌人字廉卿道光舉人官內閣中書善書工古文有濂亭文鈔

俞樾德清人字蔭甫號曲園道光進士官編修提督河南學政罷官歸有春在堂全集

吳存義泰興人字和甫道光進士官至吏部左侍郎有榴實山莊詩文集

顧壽楨浙江山陰人字祖香咸豐舉人有孟晉齋文集

姚誼歸安人字子展咸豐舉人洪楊之亂募鄉勇守城城陷赴水不死旋以心疾卒有景閣齋遺集

陸心源歸安人字剛甫一字潛園號存齋咸豐舉人官至福建鹽運使藏書極富卒後其子樹藩售與日本有儀顧堂集

董兆熊吳江人字敦臨一字夢蘭諸生咸豐初舉孝廉方正有味無味齋稿

陳寶箴義甯人字右銘咸豐舉人參曾國藩軍幕官至湖南巡撫

吳汝綸桐城人字摯甫同治進士官冀州知州光緒時充北京大學堂總教習有

摯甫詩文集

譚宗浚南海人字叔裕同治進士工詩文熟於掌故有遼史紀事本末希古堂詩

文集

譚獻仁和人原名廷獻字仲修號復堂同治舉人有復堂類集

趙銘秀水人字桐孫同治舉人署順德知府工駢文有琴鶴山房駢體文鈔

施補華烏程人字均甫同治舉人以功保舉知府有澤雅堂文集

王詒壽浙江山陰人字眉子貢生官武康訓導工南宋人小詞尤精駢文有縵雅

堂文笈月詞

黃體芳瑞安人字漱蘭同治進士官至兵部右侍郎建南菁書院以經訓造士得

士最盛

王韜長洲人字紫銓號仲弢晚號天南遯叟同治間主講上海格致書院有弢園文集

曾紀澤國藩子字劼剛同治間歷使英法俄諸國與俄人力爭毀崇厚已訂之約更立新議交還伊犁及烏宗島山帖克斯川諸要隘官至戶部左侍郎卒諡惠敏

李慈銘會稽人字悉伯號蓴客光緒進士官山西道監察御史中日事起敗問至感憤卒有湖塘林館駢體文鈔白華絳柎閣詩鈔越縵堂日記等書

王炳燮元和人字綱齋號樸臣光緒進士官直隸知縣有毋自欺室文集

經元善上虞人號蓮珊屢辦急賑西后欲廢光緒而立大阿哥賴經率衆電諫而止詔下捕之遁於澳門

張蔭桓南海人字皓巒號樵野光緒間以道員召爲太常寺少卿充總理衙門大臣出使美國官至戶部侍郎拳匪亂起有誣以通俄被誅有英軺日記鐵畫樓

詩文集等書

朱一新義烏人字鼎甫號蓉生光緒進士官至監察御史以劾李蓮英降爲主事  
乞歸有佩絃齋詩文雜著

袁昶桐廬人字爽秋光緒進士官至太常寺卿庚子拳亂作上書忤首禍諸臣被  
誅尋追復原職諡忠節

楊文瑩錢塘人字雪漁光緒進士授編修

張度桐城人字齡谷工詩古文兼善書畫有蟋蟀窩集

簡朝亮順德人字季紀號竹居有讀書草堂集

徐慶陞烏程人字次舟知南海縣以強項稱有不自慊齋稿

易順鼎龍陽人字仲碩號實甫別號哭庵曾任廣西太平思順道有哭庵集

# 清代尺牘 上卷

## 與鄭汝器書

張風

畫。要。近。看。好。遠。看。又。好。此。則。僕。之。觀。畫。法。實。則。僕。之。心。印。蓋。近。看。看。小。節。目。遠。看。看。大。片。段。畫。多。有。近。看。佳。而。遠。看。不。必。佳。者。無。他。大。片。段。難。也。昔。人。謂。北。苑。畫。多。草。草。點。綴。略。無。行。次。而。遠。看。則。煙。村。籬。落。雲。嵐。沙。樹。燦。然。分。明。此。是。行。條。理。於。粗。服。亂。頭。之。中。他。人。爲。之。卽。茫。無。措。手。畫。之。妙。理。盡。於。此。矣。絕。非。近。日。承。學。家。所。指。之。董。也。

## 寄三無道人書

孫奇逢

居。恆。每。聞。人。嘆。世。情。之。薄。蓋。我。有。所。求。於。人。而。人。不。能。副。其。求。以。此。論。厚。薄。天。下。無。有。不。薄。者。矣。弟。出。遊。已。四。月。到。處。人。情。貼。合。風。俗。人。心。雖。澆。漓。之。極。而。醇。氣。猶。在。以。弟。所。經。之。地。所。閱。之。人。有。品。行。之。人。有。學。問。之。人。有。平。易。近。人。之。人。有。孤。意。

絕俗之人有遷善改過之人有能詩文善議論之人種種皆與古昔不殊而歡然相接藹然相親臨路低徊每切眷戀弟所以謂人情原未嘗薄者此也諸人之長不拈出亦覺平平善取之皆可以爲吾身砥礪切磋之助弟此番出門取友親賢頗覺受益足下三無弟時奉爲心型時以告朋友人人仰三無道人也子姪輩貧病交侵中有難處難處方是磨煉處孝弟力田與讀書之業望時爲告教

辭張郡侯請修郡志書

黃宗羲

伏蒙以修志見召草堂猿鳥沾被光榮某獨何心不思報稱然而不敢冒昧者則亦有故蓋文章之道臺閣山林其體闊絕臺閣之文撥擲治本縉幅道義非山龍黼黻不以設色非王霸損益不以措辭而卒歸於和平神聽不爲矯激山林之文流連光景雕鏤酸苦其色不出於退紅沈綠其辭不離於嘆老嗟卑而高張絕絃不識忌諱故使臺閣者而與山林之事萬石之鐘不爲細響與韋布里閭樵悴專一之士較其毫釐分寸必有不合者矣使山林者而與臺閣之事蚓竅蠅鳴豈諧



韶。護。脫。粟。寒。漿。不。登。鼎。鼐。蓋。典。章。文。物。禮。樂。刑。政。小。致。不。能。殫。孤。懷。不。能。述。也。某  
巖。下。鄙。人。少。逢。患。難。長。貌。流。離。遂。抱。幽。憂。之。疾。與。世。相。棄。牧。雞。圈。豕。自。安。賤。貧。時  
於。農。瑣。餘。隙。竊。弄。紙。筆。戚。話。鄰。談。無。關。大。道。不。料。好。事。者。標。以。能。文。之。目。使。之。記  
生。卒。飾。弔。賀。根。孤。伎。薄。發。露。醜。老。然。終。不。敢。自。與。於。當。世。作。者。之。列。蓋。歌。虞。頌。魯  
潤。色。鴻。業。自。是。名。公。鉅。卿。之。事。而。欲。以。壹。鬱。之。懷。枯。槁。之。容。現。其。百。一。豈。不。虞。有  
畫。虎。之。敗。哉。今。夫。越。郡。之。志。地。逾。千。里。時。將。百。年。所。謂。臺。閣。之。文。也。既。有。明。府。名  
公。鉅。卿。以。爲。之。主。當。世。之。詞。人。才。子。孰。不。欲。附。名。末。簡。分。榮。後。祀。而。猥。蒙。召。役。枯  
楊。寒。炭。亦。起。煙。華。便。當。祇。奉。恩。命。自。比。幕。下。反。覆。思。之。終。於。不。可。某。聞。梓。人。之。造  
室。也。大。匠。中。處。衆。工。環。立。問。之。大。匠。右。顧。曰。斧。則。執。斧。者。奔。而。右。左。指。曰。鋸。則。執  
鋸。者。趨。而。左。其。不。勝。任。者。怒。而。退。之。某。自。視。不。知。斧。鋸。安。在。明。府。右。顧。則。某。將。空  
手。而。奔。左。明。府。左。指。則。某。將。空。手。而。趨。右。又。何。待。環。立。而。知。其。不。勝。任。哉。小。儒。山  
林。之。手。其。無。當。於。臺。閣。也。明。矣。使。其。退。之。於。既。怒。之。後。何。如。退。之。於。未。怒。之。前。耶。

伏望明府哀其弗及。收回成命。謹以召啓再拜上繳。本欲泥首郡朝。謝此知遇。而先王之制。士不傳贄爲臣。則不見於王公。某區區守禮。不敢隕越。亦知明府之所責者。不以流俗也。不勝感荷屏營之情。

再辭張郡侯修志書

黃宗羲

蒙明府以志事見委。其不敢當者。已見於前書。但前書以某而言之也。今以事而言之。亦有所甚難。從來稱志之善者。楊升菴之四川。趙浚谷之平涼。爲最。其餘不過苟且充賦。將操筆者之非其人耶。抑不名一手而取才猥雜耶。或以體格一定。無所見長。而忽之耶。不然。則見聞固陋。所謂考察者。別是一家之學耶。更不然。則鄉井之恩怨。是非無人肯任之耶。嗟乎。蓋皆有之矣。是故公志每不如私志。宋景濂之浦陽。人物記。文章爾雅。程敏政之新安。文獻志。考核精詳。其他如襄陽耆舊。荆楚歲時。吳地華陽。不可枚舉。以其無五者之累也。明府固今之升菴浚谷也。然而所委之人。寧必其無五者之累乎。今謂舊志不煩更張。只續此數十年以來之

事似矣。某讀明府之例，爲類十八，則八縣皆當稟此規範，方可合爲一書。今各縣舊志分類不同，或多或寡，若復因仍，則是可分而不可合也。一代有一代之制作，革命之際，每多忌諱，隱語闌入，豈可不慎？是又不得不改者也。某讀諸家文集及於雜史間，或考之正史，則多同異；考之志乘，則多錯謬。以志乘之手，未必如作者之出名家也。其相去遠矣。今若見其謬誤遺漏而一聽之，恐既經纂修之後，則明眼所照遺議不專在前人矣。吳縝糾繆於唐書，許浩闡幽於元史，在史且然而況於志乎？此舊志之所當論者也。志與史例其不同者，史則美惡俱載，以示褒貶；志則存美而去惡，有褒而無貶，然其所去是亦貶之之例也。越中數十年來人物炳然在人耳目者，可屈指而畢。一時富貴爲鄉里小兒所咨嗟豔慕者，其姓氏已爲狐貉噉盡。今若以子孫姻婭之故，探之狐貉口中而復留之，雖罄曾稽之竹箭，剡溪之古藤，有所不足矣。其間亦有高位久宦，干涉國史者，而或爲公論所排，清議所譏。此正當去之以明貶者。試出其家傳讀之，莫不各有一篇粧點文字。老

成凋謝。二三措大。其耳目見聞有限。試有人與之分別。源流證明。實錄彼在。甕天者。反以爲一人之愛憎。斯時也。起而抗言。爭執則叢爲怨。府何苦而嘗身於市虎乎。若散骸將順。不特爲明府之謀不忠。而魯衛之士。有以薄其心胸矣。此續筆之所當論者也。語有之量。而後入。母入而後量。某竊於今量之故。曰難也。伏惟上裁。

謝陳介眉代辭博學宏詞書

黃宗羲

吾兄與國雯書。見及言都下諸公。欲以不肖姓名塵之薦牘。葉訥庵先生。且於經筵御前面奏。其後訥庵移文吏部。吾兄力止。始聞之而駭。已喟然而歎。且喜兄之知我也。某幼離黨禍。廢書者五年。二十一歲始學爲科舉。思欲以章句揚於當時。委棄方幅典誥之書。而不視。年近四十。蹇逢喪亂。負母流離。退棲陋室。與百姓雜處。又烏得有奇聞異見。下逮於農瑣哉。是空疎不學。未有甚於某者也。今朝廷命舉博學宏儒。以備顧問。此爲何等。謂之博學。吾意臨平石鼓。青州墓刻。有一事之不知。卽其罪矣。謂之宏儒。慎墨得進。其談惠鄧。敢竄其察。卽其罪矣。故非萬人之

英不能居此至美之名也。卽以前代博學宏詞科而論。以真德秀處之。尙曰宏而不博。以留元剛處之。尙曰博而不宏。王應麟欲舉是科。乃於制度典故。考索殆遍。今之玉海。其稿本也。見成玉海。某尙未一過。況玉海所本。館閣萬卷纂要。鈎玄取諸胸懷乎。乃如之人而欲當是選。是引里母田婦而坐之於平王之孫衛侯之妻之列也。胡能不駭。從來士之求知者多矣。往往覲面而無所遇合。以昌黎之賢。光範門下。三上書而不報。故投行卷展坐席者。非危苦之詞不道。非誇大之論不陳。揖洗割肉。破琴侍帚。穿屨而行雪中。百方以博鉅公一日之知。然且有得有不得。某於訥菴。未嘗有一面之雅。尺素之通。前歲觀海於海鹽。遇彭駿孫。言訥菴使之問學。去歲正月。讀所贈董在中詩。其間稱許過當。今又云云。其何以得此於訥菴哉。夫訥菴之留心人物如此。向若得道。彌藝。襮之士而與之。則可以爲天下賀矣。無如某僅一愆。餽之細民也。孤負訥菴。此某之所以歎也。某年近七十。不學而衰。稍涉人事。便如行霧露中。老母年登九十。子婦死喪略盡。家近山海。兵聲不時撼。

動塵起鐻鳴。則扶持遁命二十年以來。不敢妄渡錢塘。渡亦不敢一月留也。母子相依。以延漏刻。若復使之待詔金馬。魏野所謂斷送老頭皮也。嗟乎人之相知。貴相知心。王陽在位。貢禹彈冠。戴逵逃吳。張玄止召。古人或出或處。未嘗不藉友朋之力。不然則山嵇。魏謝徒以富貴爲市耳。非兄知我。何以有是乎。詎菴先生處。意欲通書。然草野而通書朝貴。非分所宜。陳履常云。公他日成功。謝事幅巾東歸。某當御款。段乘下澤。候公於上東門外。此其例也。

與當事論出處書

李 顥

伏念某以韋布之微。有此遭逢。欣感無既。尙何濡遲。惟是捫心慚懼。有不敢冒昧者。四不得不覩縷陳之。某幼孤失學。庸謬罔似。祇緣浮慕曩哲。以致浪招逐臭。誠所謂純盜虛聲。毫無實詣者也。前督臺體朝廷旁求。誤加物色。遂塵宸聽。蓋以某或有微長。可充葑菲。而不知某學不通古今。識不達世務。上之既不足以備顧問。次之又不足以備器使。倘不審己量力。何以仰副當宸。不亦辱朝廷而羞天下之

士哉。此其不敢一也。某父喪時。遺某隻身。再無次丁。某母彭氏。守寡鞠某。艱厄殊常。飢寒坎壈。蓋不啻出萬死而得一生。某後雖成立。然無一椽寸土之產。資生罔藉。赤貧如故。三旬九食。衣不蔽形。某母形影相弔。未嘗有一日之溫飽。竟艱難病亡之日。無以爲殮。縣令駱鍾麟聞而傷之。捐俸具棺。始獲襄事。皆某不能治生之所致也。使彼時稍有意外之遇。某當如毛義之捧檄而喜。某母之苦。豈遂如此之悽慘。某風木之憾。豈遂永抱於終天。今九原不可作矣。昔賢有言。祭之豐不如養之薄也。殺牛而祭。不若雞豚之逮親存也。某每念及此。未嘗不涕泣自傷。今養不逮親。不孝之罪。終身莫贖。今上方以孝治天下。豈可使不孝之人。妄膺特典。以玷維新之化理耶。昔朱百年之母。以冬月亡。亡之時。身無綿衣。百年每以爲痛。遂終身不復衣綿。孫侔早孤。事母志於祿養。未遂。及母病革。自誓終身不仕。後客江淮間。劉敞知揚州。特疏薦聞。召之不赴。既而沈遘王陶韓維又連薦之。詔地方起送。終不赴。當時朝廷亦憐其情而曲全之。史策至今。傳爲美談。某雖無二子之孝。

而心則二子之心。今日之事。某母既不及見。某亦何忍遠離墳墓。獨冒其榮。此其不敢二也。先儒謂士人之辭。受出處。非獨其一身之事而已。其出處之得失。乃關風俗之盛衰。故尤不可以不審也。今既以某爲隱逸矣。若以隱而叨榮。則是美官要職。可以隱而坐。致也。開天下以飾僞之端。其不得志於科目者。必將退而外假高尙之名。內濟梯榮之實。人人爭以終南作捷徑矣。某雖不肖。實不忍以身作俑。使風俗由某而壞。此其不敢三也。某雖病廢草野。實蔭息今上化育之中。踐土食毛。莫非今上之恩。居恆念可以稱報於萬一者。惟有提撕人心。勸人改過遷善耳。以故謬不自揆。逢人開導。人見某寒素是甘。以爲超然於名利之外。多所信嚮。今若一旦變操。人必以平日講勸。藉以爲立名之地。媒利之階。轉相嗤鄙。灰其向善之念。將來縱千講萬勸。人亦不復信矣。某亦何由而藉以默贊今上之化育耶。此其不敢四也。其他曲折。難以徧舉。方今高賢大良。濟濟盈廷。亦何需於某一。而使之內違素心。外滋罪戾。恐非所以保全之也。況自古聖帝明王。莫不嘉幽隱。獎



恬退。故堯舜之於巢許。湯武之於隨光。西漢之於四皓。東漢之於嚴光。及周黨徐  
穉。以至宋之陳搏邵雍林逋魏野。元之許謙劉因杜本蕭壽。皆安車蒲輪。屢徵不  
起。從而褒之。以端風化。蓋以其道雖未宏。志不可奪。足以立懦夫之骨。息貪競之  
風。所謂以無用爲用。乃激勵廉恥之一大機也。某昏愚庸陋。懿修固不敢望古人。  
而絕跡紛華。亦不敢自外於古人。若隱居復出。杜門復開。是負朝廷之深知。翻辱  
闡幽之盛舉。則其爲罪大矣。且今上方比隆三五。超越百王。豈可使盛世無一石  
隱以昭風厲乎。某是以反覆思維。瀝血剖心。不厭諄懇之瀆。非直爲身謀。實所以  
爲國謀也。伏望執事矜某之苦衷。諒某之非矯。俯賜保全。力爲轉覆。則曲成之仁。  
賢於推轂。而某之頂戴洪慈。更萬萬矣。

### 與葛瑞五書

徐枋

弟自二十四歲而遭家國之變。今忽已四十三歲矣。覩顏偷生於喪亂憂患之中。  
轉眼不覺遂二十年。回首二十年中。其所遭萬死而一生。及自分以必死而不死。

及必不欲生而復倖生者。不可以縷述也。退之云。譬如痛定之人。回思當痛時。未知若何以自處也。而況今二十年矣。而痛尙未定者乎。噫。爲可悲也。蘇子卿陷身絕域。十九年而歸漢。所謂丁年奉使。皓首而歸。千古而下。讀之猶爲隕涕。今已二十年。而日月尙悠。嗟乎。人生幾何。何以堪此。弟今年纔四十三耳。而鬚髮半白。齒牙搖落。筋骨關竅之間。自知有深入之病。嗟乎。憂能傷人。其信然乎。然以二十年倖生。而自謂尙可與兄披襟解帶。而無愧者。非獨以杜門守死爲然也。此二十年中所成書。通鑑紀事類聚三百若干卷。廿一史文彙若干卷。讀史稗語二十餘卷。讀史雜鈔六卷。建元同文錄一卷。管見十一篇。計成書亦且幾百卷矣。然弟之無愧於兄者。不在此也。二十年讀書課文編輯之中。蓋亦有得於身心之學焉。聖賢每謂能自得師。又謂無常師。弟雖不敏。然於土室面牆。形影相弔之時。而往往自得師也。於古於今。所聞所見。有一人一事之可敬可羨者。輒以自驗。吾能如是。否也。有一人一事之可羞可惡者。亦輒以自驗。吾能不如是。否也。有一人之砥行於

一。世。而。失。節。於。臨。時。者。輒。以。自。驗。吾。能。不。如。是。否。也。有。一。人。之。脫。略。於。形。骸。而。矜。慎。於。衾。影。者。亦。輒。以。自。驗。吾。能。如。是。否。也。偶。見。古。者。於。極。寬。大。中。而。忽。引。繩。批。根。於。一。人。一。事。輒。以。自。問。吾。罹。此。何。以。自。處。也。偶。見。今。世。於。極。慘。覈。中。而。忽。疏。節。闊。目。於。一。人。一。事。亦。輒。以。自。問。吾。遇。此。得。毋。苟。免。也。如。是。者。二。十。年。於。茲。矣。矻。矻。窮。年。孜。孜。不。倦。蓋。吾。心。無。一。息。之。停。也。孟。夫。子。所。云。孤。孽。之。操。心。者。乎。易。曰。君。子。終。日。乾。乾。夕。惕。若。魯。論。曰。君。子。坦。蕩。蕩。惟。其。終。日。乾。乾。夕。惕。若。所。以。能。坦。蕩。蕩。也。所。以。弟。二。十。年。來。於。平。居。時。若。履。春。冰。之。必。陷。也。若。蹈。虎。尾。之。必。噬。也。及。至。世。路。構。稽。天。之。波。弋。人。布。彌。空。之。網。而。我。坦。然。未。嘗。動。吾。心。而。嬰。吾。寧。也。何。也。自。信。我。之。必。不。預。於。是。也。必。不。預。於。是。蓋。以。平。時。深。自。處。無。以。招。之。也。苟。平。時。深。自。處。無。以。招。之。而。吾。不。幸。而。仍。闌。入。其。中。此。亦。定。命。也。此。亦。無。悔。於。中。者。也。又。何。以。動。吾。心。

### 與趙韞退大參書

王宏撰

昨承執事枉駕。以貴鄉諸先生之命。屬爲賀相國馮公壽文。且云本之相國意。又

述相國嘗稱宏撰文爲不戾於古法。此雖宏撰所惶悚不敢當。而知己之誼。則有中心藏之而不忘者。卽當欣躍操觚。竭其所蓄。直寫相國碩德偉抱。輔世長民之大略。以求得相國之歡。然而審之於己。度之於世。皆有所不可。故敢敬陳其愚。惟執事詳察焉。宏撰以衰病之人。謬叨薦舉。嘗具詞控諸本省撫軍。轉咨吏部。不允。嗣又奉詔嚴催。不得已。強勉匍匐。以來京師。復具詞令小兒抱呈吏部。又不允。借居昊天寺僧舍。僵臥一榻。兩月以來。未嘗出寺門一步。卽大人先生有忘貴惠顧者。皆不能答拜。特令小兒持一刺詣門稱謝而已。鬚白齒危。兩目昏花。不能作楷書。意欲臨期尙復陳情。冀倖於萬一。蒙天子之矜憐。而放還田里。夫賀相國之壽。非細故也。諸先生或在翰苑。或在臺省。或在部司。皆聞望素著。人人屬耳目焉。公爲屏障。以爲相國壽。則其文必傳視都下。非可以私藏巾笥者也。宏撰進而不能應。天子之詔。乃退而作賀相國之壽文。無論學疏才短。不能揄揚相國之德。卽朝廷寬厚之恩。亦未必以此爲罪。而揆之於法。既有所不合。揣之於心。亦有所不安。

甚至使不知者以宏撰於相國。素不識面。今一日爲此文。疑爲夤緣相國之門。希圖錄用。欺世盜名。將必有指摘之。及不但文不足爲相國重。而且重爲相國累。此宏撰之所以逡巡而不敢承也。卽執事代爲宏撰。籌之亦豈有不如是者哉。不然操天下文章之柄。爲天子教育人才。天下之士望之如泰山北斗。伏謁門下者。咸思得邀相國一盼爲榮。其閒負名位而擅詞華者。固繁有徒。而相國獨屬意於賤子。身非木石。豈有不心識此意者。而顧推委而不爲。有此人情也乎。所謂韓愈亦人耳。所行如此。欲以何求耶。是用直布腹心。惟執事裁之諒之。並乞上告相國。倘邀惠於相國。得歸老華山。爲擊壤之民。以遂其畎畝作息之願。午夜一燈。曉窗萬字。其不能忘相國之德。將以傳之。紀載而形之歌詠者。必有在焉矣。燕山易水。共聞斯語。唯執事圖之。

## 復吳綺園書

屈大均

僕行年遂已六十。道德未成。文詞何補。欲於五經寶書有所纂撰。往往以無書考

訂閣筆久之。誠所謂左氏門庭。雖多筆硯。稚川史籍。不滿巾箱。可爲太息者。此也。每恨僻處嶺南。圖書鮮少。徒欲萬卷咸披。不得百城長擁。面牆而立。欲信無徵。蓋天之窮余。不在於不逢堯與舜禪。而在於孤生瘴鄉。塗耳目而拘神智。安得遂舍桑梓。乘長風。與白頭老母。駕蘇耽之胎禽。黃口小兒。躡鮑靚之鳧。鳥直至秣陵。徧購羣書。廣借藏帙。勒完五經之私本。裁諸史之大成。與足下輩。三四人。日夕編摩。迭相參訂。爲懸諸日月。不刊之書乎。足下念我齒長。乃與諸君爲黃山圖。見壽母言黃山。黃山乃吾心腹腎腸之物。言之輒五中牽動。搖搖曳曳。不能自持。莊子云。逃空虛者。見似人而說。今見似黃山者。於冊子。悅極生悲。其亦何以爲懷乎。黃山圖外。復捐白嶽頂煙。漢玉鎮紙之貺。如斯瑰物。可代珊瑚之筆格。何殊蟾蜍之水。滴將永以爲寶。子孫守之。敬謝敬謝。

戲答練石林書

杜濬

僕固好爲古文。日與能古文者游。然而非今之人也。蓋自周漢左馬。以迄南宋陳

同甫又新參一歸熙甫而止。鄒以下無譏焉。若來教某君。僕未嘗識其人。子瞻所謂直懶耳。別無說。然頗聞人傳其自滿之狀。殊令人致惜。大抵一時新銳風氣。如此不必深論也。獨怪有一老友年長於僕。亦復風氣移人。打入少年場。不窺耆舊傳。妄自菲薄矣。吾文勝昌黎。是何等語也。釋典言。譬如小民自稱國王。徒取誅戮。爲可憐憫者。何其多歟。僕嘗言。雖有絕代文章。掀天事業。一著色相。便是俗人。何則。道眼不開也。況今人伎倆可知者乎。然此猶是莊語。僕又有一諧語。可以奉入足下雜著中者。近有一友爲僕述某公一介不與。卻未一介不取。可謂一邊伊尹。蓋舊有此謔也。僕應之曰。今某公無周公之才。使驕且吝。豈非半截周公乎。聞者莫不絕倒。直是天生絕對。必傳無疑。足下蒐羅編纂有年。今始得此壓卷笑怵。可知也。然從此當與足下動色相戒。毋自入甕。乃可哉。

### 與龔芝麓總憲書

余懷

前作詩送程翼蒼赴國子任。中有句云。芝麓三年作此官。烏臺松柏擁琅玕。爲今

日再掌憲綱之識也。伏惟先生負元龍之氣。挺召虎之才。道邁張蒼。格高劉瑀。絳駭清路。赤棒橫街。齊高帝云。御史大夫職爲憲司。以威裁爲本。劉孔明云。居此官者。必使藩邦斂手。豪右屏氣。先生爲國棟梁。作時霖雨。豈非千載一時耶。古詩六十韻書冊寄奉。雖炫璞鄭氏。獻鳳楚門。而雌霓之辭。必見賞於元禮。江春之句。應手寫於燕公。心乎愛矣。書不盡言。

與杜于皇書

曹溶

文章家弟近又得一人焉。爲西江魏叔子。其識見議論足與于皇相上下。弟惟見其論古諸篇於他體。未概覩然相其筆勢。必能者也。弟所以深服二子者。良以一時風氣言古文者滿天下。其率臆妄作。放手野戰。自以爲過於古人者。旣在不知文之列。可以不論。而一二泥古之士。自矜合作者。又如書家臨摹一種。點畫畢肖。然離乎古人之跡。自作數字。便不成書。則亦可謂不善學者矣。獨于皇與叔子。旣優入古人之域。在規矩法度之中。無一字妄作。而又能脫略形跡。擺落格套。如書



家得古之神。而能自爲書。以妙天下。而傳後世。是乃可貴耳。何日枉訪商量。盡發秘藏。以問劄。實弟志也。

### 癸未去金陵日與阮光祿書

侯方域

僕竊聞君子處己不欲自恕。而苛責他人。以非其道。今執事之於僕。乃有不然者。願爲執事陳之。執事僕之父行也。神宗之末。與大人同朝。相得甚歡。其後乃有欲終事而不能者。執事當自追憶其故。不必僕言之也。大人削官歸。僕時方少。每侍未嘗不念執事之才。而嗟惜者彌日。及僕稍長。知讀書。求友金陵。將戒途。而大人送之曰。金陵有御史成公勇者。雖於我爲後進。我常心重之。汝至當以爲師。又有老友方孔昭。汝當持刺拜於牀下。語不及執事。及至金陵。則成公已得罪去。僅見方公。而其子以智者。余之夙交也。以此晨夕過從。執事與方公同爲父行。理當謁。然而不敢者。執事當自追憶其故。不必僕言之也。今執事乃責僕與方公厚。而與執事薄。噫亦過矣。忽一日有王將軍過僕。甚恭。每一至。必邀僕爲詩歌。既得之。必

喜而爲僕貰酒奏伎。招遊舫。攜山屐。殷殷積旬不倦。僕初不解。旣而疑以問將軍。將軍乃屏人以告僕曰。是皆阮光祿所願納交於君者也。光祿方爲諸君詬。願更以道之。君之友陳君定生。吳君次尾。庶稍湔乎。僕斂容謝之曰。光祿身爲貴卿。又不少佳賓客。足自娛安用此。二三書生爲哉。僕道之兩君必重爲兩君所絕。若僕獨私從光祿遊。又竊恐無益。光祿辱相款八日。意良厚。然不得不絕矣。凡此皆僕平心稱量。自以爲未甚。太過而執事顧含怒不已。僕誠無所逃罪矣。昨夕方寢。而楊令君文驄叩門過僕曰。左將軍兵且來。都人洶洶。阮光祿颺言於清議堂云。子與有舊。且應之於內。子盍行乎。僕乃知執事不獨見怒。且恨之。欲置之族滅。而後快也。僕與左誠有舊。亦已奉熊尙書之教。馳書止之。其心事尙不可知。若其犯順則賊也。僕誠應之於內。亦賊也。而僕豈有是耶。何執事文織之深也。竊怪執事常願下交天下士。而展轉蹉跎。乃至嫁禍而滅人之族。亦甚違其本念。倘一旦追憶天下士所以相遠之故。未必不悔。悔未必不改。果悔且改。靜待之數年。心事未必。

不暴。白天下。士未必不接踵而至。執事之門。僕果見天下士接踵而至。執事之門亦必且隨屬。其後長揖謝過。豈爲晚乎。而奈何陰毒左計。一至於此。僕今已遭亂無家。扁舟短棹。措此身甚易。獨惜執事伎機一動。長伏草莽。則已萬一復得志。必至殺盡天下士。以酬其宿所不快。則是使天下士終不復至執事之門。而後世操簡書以議執事者。不能如僕之詞微而義婉也。

### 與金長留書

李 雯

太僕歸里。得詢先生起居。及令子無恙。差以爲慰。家君旣終。遁窮荒。妻也。復遭再別。深慚故人厚義。退而自責。未嘗不頓足而拊膺也。先生春秋漸高。胤息單弱。今桑梓貴人在長安中。能衣被人者。皆無昔日之雅。杖馬箠銜酒杯者。朝夕在何許。此愚父子所燕居而深念者也。先生髮短而心長。居於窮巷之中。不媿金石之義。其意氣豈特曹邱君卿而已哉。然二子皆交通貴人。周旋緩急在於形要。故能使聲名發聞。傳之史冊。而先生之所急者。乃在遠戍窮交。布衣下士。特時勢有不便。

要其志義奚啻古人使後世更有一太史公班孟堅揚微闡幽則游俠之傳其必有金先生矣先生望雲間之樹雯也望長安之門皆不可得而見所願順時自愛更期三年雯雖不才猶當背城借一或雯之北轅卽爲先生之南轅未知造物者謂何耳

寄廣陵宗定九書

龔鼎孳

友人入都持示瑤華兼拜芳咏捧覽珍重如挹清暉美人貽我青玉案不待誦停雲而躊躇託梁月以繾綣也京雒風塵懷抱爲之不佳琳琅妙麗屬和未遑出山泉濁此亦其一斑矣草堂無恙新柳依然綠酒朱絃嘯歌自適獨南國榜花姓字自陳士振外吾黨知名之彥閱其無人吾兄曠世逸才不亟登之承明著作之廬而淪落嶽崎蛾眉未嫁使子虛凌雲遂爲千古僅遺眞令人扼腕於文士之數奇耳益砥千秋佇張赤幟願勿過爲鬱鬱也弟經年索米境況蕭然無曼倩龍蛇之才而負嵇康禽鹿之性懷丙容薄祿之志而兼子雲守拙之癖近雖漸爲世用然

韻不諧俗終當決策長林耳。

## 與李處士書

儲方慶

僕入晉三年始得識傅青主一見如故交因縱論天下人物於秦中則推足下以爲可與劉穆之比青主相人多矣獨心折足下足下必非常人也常人之相見也必以文且有所媒而後相合而又非無爲而求交者至於英人傑士意氣交得可以貫金石通神明而其不謀而合之故固往往忽然致之無端遇之也僕吳人與足下相去三千里今爲晉吏亦有二千里之隔不得見足下中間又無親知故舊與足下爲緣者足下爲處士僕爲吏其道又不相涉三者乃常人之交所深忌也而僕輒貿貿然於數千里外一無所見忽致書不謀面之人者何哉亦以足下非常人也足下如常人乎則必訝矣足下必不訝也今青主嗣君來秦故附一言以道意。

## 與傅青主書

儲方慶

僕非俗吏也。然其所爲甚有似於俗吏。蓋處斯世者。皆有不得已之心。故不敢不以俗吏自居。而當世之高士偉士。或鄙而遠之。格於其形也。形不相接。則無以自明。豈惟高人偉士鄙僕乎。僕亦疑天下無高人偉士矣。如僕之渡河入晉也。未嘗一日忘天下之高士偉人。然爲官守所限。無由自致於高人偉士之前。而耳目間交接者。又皆碌碌無奇之人。竊謂秦無人矣。繼於人牆戶間。見先生書法深嘆其精妙。卽詢先生之爲人。俱云先生隱君子也。通六書。曉算數。善醫藥。官於并州者。莫不知先生之名。先生夷然不屑也。又有云先生自革運以來。絕意於功名。淡然無求者三十年於茲矣。僕誠有向往之意。而形不相接。尙未知先生之爲何如人也。如先生以高名邀天下之貴顯。則縣令之卑不足當先生之一盼。僕將唯唯退矣。雖然。僕未知先生爲何如人。先生又知僕爲何如人哉。僕之詩數章。亦可以見僕之志也。先生試覽之。倘不以俗吏視僕。則僕與先生豈形之所能格乎。

昨歲經過珂里奉訪雲亭一慰懷想聊申契闊徒以王命嚴程僕夫敦馭遂使暫  
違叔度遽別眞長滄江白雲之望清風明月之思與時俱永矣年翁抱桓譚之絕  
才負嗣宗之神筆文園著作有類馬卿騎省閒居聊同潘岳西郊宴喜陸大夫之  
優游南國簪裾王右軍之觴詠以視夫風塵鞅掌跋涉關津固將使叢菊笑人女  
蘿含諠矣弟承乏越東濫膺浙綬自慚敝帚何當長風正恐渤海稱煩淮陽難臥  
偷貽知己之差詎解勞人之目惟是探奇禹穴選勝秦峯叔夜山亭幾存斷柳子  
眞舊井獨酌清泉緬懷古以孔殷庶襄裳其不遠然而屋梁落月時念故人谷裏  
鳴琴睠言同好幸家季之忽臨屬芳緘之遠訊捧讀翰音如聞玉欸喜荷交并不  
知所云。

### 與宋牧仲書

計東

都門一別三年矣聞佐郡黃州威望甚著東客歲忽忽欲作三楚之游思得與足  
下相見抵掌劇談三四日以盡發其胸中之鬱結遂至武昌謁吾師厚庵先生靈

牀一慟。哭再從足下。假輕舟一葉。溯衡湘之間。登南嶽。謁魏夫人祠。盡覽道藏。三式。天官醫藥兵法諸書以歸。有自中州來者云。閣下頗拒客。東一笑而止。然此三事者。耿耿日在胸臆。間不可釋。私念天下之大。人才之衆。求丰采。言論可敬愛。才略兼文武。堪將相。如唐嚴鄭公。李贊皇輩。當今如宋子牧仲者。東目中實未多見也。而布衣失職。坎壈無聊之士。忍辱好奇。計勃勃有飛揚之氣。能上下千古人物。事會得失成敗之數。及經世救時之大略。若古王猛馬周輩者。天下之大。如東比者。亦不多數人。非東莫知宋子。非宋子莫知東。願可使兩人三年不相見。聞傳言而自疑阻也。東今者以叫闥事留國門。倘事無可爲。將舍而南游。泝大江。叩門於宋子。遙計臨臯亭。前吳大帝祠下。將必有計子吟嘯之聲。與江濤澎湃聲相上下矣。足下見此書後。幸早寄報章相示。

與應仲謀書

謝良琦

前年使者從虎林歸。辱足下賜書。念僕孤立無與。援欲僕於天下士。及平生親故。



少見峻絕。僕非敢如此也。以足下之相知。猶尙言此。況世之眈眈於僕。亟欲得其過。以肆其謗訕者哉。就欲作書還答。會遭讒賊。致煩白簡。既苦待理無暇。又詞中所引。且云僕與遊客某某相結約。竊念誠如此。將足下之說。可不辯而明也。僕性本孤寂。少時在里中。里中兒相與談游俠意氣。僕便不屑意。及長讀聖人之書。頗知其道。以爲士君子立名砥行。莫先於自重其身。故往往嚴去就。慎取與。不苟爲然諾。然於蓄道德能文章之士。則又篤好而深慕之。蓋僕生平所惡。止是浮薄不自愛重之徒。而非謂交天下士當盡用其嚴冷也。逮後遊宦南北。所見天下士不少。不肖者且勿論。卽士大夫亦類不能如僕之所期。僕始歎息失望。便欲獨寤寐歌。不與世交接。顧猶未敢決絕。此皆足下所深識。僕豈好爲崖異。嶄絕者哉。今足下又以此教僕。然則足下謂今天下士果何如也。自古大聖大賢其生也不偶。則守其道。獨行而不悔。此士之常也。今則不然。不別賢愚。不度才德。皆傲然自命曰遊。其平時相對。慷慨歎息。則必曰遊道。嗚呼。何其怪異者歟。以僕所見。其人大率

依阿。澆。忍。挾。持。涼。薄。不。過。希。望。人。恩。澤。居。恆。剽。竊。章。句。學。爲。詩。及。書。又。學。爲。大。言。  
矜。詡。其。同。姓。同。里。之。達。官。貴。人。或。自。言。與。達。官。貴。人。某。某。交。厚。昏。夜。向。人。乞。憐。得。  
請。則。再。三。至。不。已。不。得。則。肆。意。詬。罵。同。遊。無。賴。一。唱。百。和。當。官。者。畏。其。奸。不。耐。其。  
絮。聒。勉。強。承。受。當。時。惟。不。肖。者。爲。然。近。者。士。大。夫。莫。不。然。嗟。乎。足。下。謂。此。輩。果。何。  
如。而。謂。僕。能。堪。之。耶。僕。於。此。輩。雖。拒。絕。至。平。生。親。故。如。此。輩。者。亦。繁。有。徒。自。始。仕。  
至。今。亦。數。過。從。矣。僕。離。青。溪。後。在。江。南。三。年。近。日。待。理。又。二。年。從。無。一。人。見。問。或。  
道。塗。相。遇。皆。側。身。趨。避。不。避。亦。不。交。一。語。近。聞。僕。事。白。得。仕。又。相。顧。色。喜。嗟。乎。足。  
下。謂。此。輩。果。如。何。而。謂。僕。能。堪。之。耶。然。僕。之。遭。讒。賊。被。罪。以。至。於。今。日。者。其。禍。亦。  
原。於。此。足。下。之。教。僕。者。是。也。僕。生。平。每。自。謹。飭。不。敢。有。所。缺。陷。獨。親。舊。見。僕。如。此。  
以。爲。刻。薄。寡。恩。不。肖。者。見。僕。如。此。以。爲。落。落。難。合。逢。人。便。謗。議。舒。洩。其。憤。恨。士。大。  
夫。見。僕。如。此。以。爲。自。尊。大。聞。人。妄。言。某。某。僕。遇。之。厚。遂。輕。相。信。羅。織。以。爲。罪。狀。嗟。  
乎。僕。誠。不。願。有。此。患。生。於。疾。惡。太。甚。而。世。之。蓄。道。德。而。能。文。章。者。少。也。以。此。益。憤。

憤便欲掃迹滅景。自投深林。又念遭際清時。不忍捐棄。且半生苦心述作。未有成就。欲與當世賢人君子。講習討論。鄉者得二三人。近又得一二人。酒杯議論往復。肝膽呈露。不假膠漆。自然訢合。無間足下。謂僕於天下。士果一槩。峻絕者乎。抑亦有所推擇也。足下之教僕。皆足下厚愛僕之意。特僕深惡此輩。欲一盡言之耳。足下得僕書。倘不以爲過。或者其靦然而笑耶。

### 與陳伯璣書

方拱乾

久不得伯璣消息。讀近詩。彷彿其八九。終耿耿也。古人交之深淺。學問之增損。率於詩中見之。蓋其寄託者靜而專耳。辭藁諸作。真愷宛厚。已踞上乘。向曾以痛之一字告兄。如此則痛矣。應酬作亦堪壓倒時流。但未免名之一字。橫據胸中。耳性情之極。應酬亦歸性情。如惠子白驢瘦。鼎湖瞻望遠。所謂左之右之。無不宜之也。吾輩究心此道。當時時體會一傳字消除。一名字傳之。必可名也。名則未必能傳。此中甚微。長安非詩地。老夫則舍此無以爲生。所作年來轉多。恨不得兄一面商

之解人不可多得。每詩成，惟有自起舞。或者將來有知己，所謂不需名而若有可傳者也。今年詩全抄一本寄白門，兄向兒輩取之可也。

### 汝陰與人書

熊文舉

人言縣令爲俗吏，予不信也。卽予迎送輜車之暇，縱遊野市，郵亭、烏巾、白帽、遠想、悠然、山僧、老農，皆得持楮板索書，題字村氓里婦，勃率雀鼠之爭，數言剖析，歡喜踴躍而去。此情景，視長安軟塵十丈、鈍騎蹀躞、銓弊、蝟毛吏胥窟穴，其中以目瞬眉揚爲狡獪、變幻、緝事、虎冠、眈眈、兒肉、何啻糞壤之望雲霄也。

### 答賀子翼季子兩先生書

黎士弘

兩先生道風高峻，十載山居，竟肯爲鄙人而出。弟忝竊珂鄉，無所表見，賴此一事，粉飾三年中短才拙政耳。江干惜別，甚難爲情，使來又承芳訊，開函細讀，如面故人。弟來此經歲，祇有爲老母日夕牽腸，至於山川風物，盡耳目所未經見。讀書三十年，始得親身印證，每當奇絕處，恨不得兩先生同之也。此間將吏如織，皆樸重。

無他腸。提臺復解文。好客園可飲。酒書肯借人。連歲豐收。雉兔賤如泥土。南來二十口。日費不滿百錢。春夏之交。高柳參天。清泉直放於衢路。芍藥接畛。連畦不異。南人種菜。高處望數百里外。雪山如琉璃。裝合日色。眩晃不能正視。七月蚤寒。已見微雪。蠅蚋絕無。當筵歌舞。殊可觀聽。不知與譜中甘州入聲有無離合。更且俗不好訟。又畏官長。盡日簽簿。書不滿半寸。衙鼓一罷。便可闔門。讀書先生視此種種。吾事豈不大濟乎。八千里外。盛述侈談如此。非敢夜郎自大。冀故人不爲遊子記憶而已。邑中紳士。幸致遠懷。他日南轅。先生有問。更得悉數以對也。

### 上劉相國書

### 施閏章

嘗讀昌黎三上宰相書。壯其瑰瓌雄辯。動心駭目。至所云蹈窮餓之水火。書函上而不得通。足屢及門。而闈人辭焉。猶喋喋爾也。竊以爲過矣。士固信於知己。語曰。誰爲爲之。孰令聽之。其知己邪。不待其辭之煩。其不知己邪。義當斂喙而退。雖然。以昌黎之才。援周公吐哺。握髮之風。大聲疾呼於宰相之門。如以石投井。又悲其

遇之窮也。章在京師。一僕一騎。日索米數升。聚書不滿千卷。迂疎驚怯。不能自振。拔以聳動當世貴人。閣下見其詩文。有一言之合於道也。且謂其窮約能自守也。咨嗟稱異。言之於在朝寵之。以文辭惟恐其不見賞於當路。不傳於將來。此豈有交游之根柢。左右之先容。干請交際之僕僕哉。章迂疎驚怯。閣下遇之。若此。向使其才行卓絕。獲進於閣下之門。其汲而引之。張大之。何如也。今章待罪於茲二年矣。學使美官。齊魯又聖賢文學地。竊欲感奮振拔。興起禮樂。扶育人才。報天子特簡之恩。而其碌碌奉職無狀。效亦略可睹矣。有譽之者。不過曰辯文字高下耳。或曰能塞徑竇耳。其嫉之者。則非笑之矣。人情非其所親信。一旦聞嫉者之言。則必疑疑而終怠。不爲解。則必怒。疑且怒焉。疎節者。於是乎殆矣。考山左學使題名記最著者。理學則薛文清。文章則王道思。其餘數十人。若顯若晦焉。某旣不能追蹤文清。又未能比肩道思。教不足以變風俗。祿不足以逮周親。惟日惴惴畏罪也。吁亦可鄙哉。詩有之曰。無言不讎。無德不報。閣下位益尊而德益盛。學益富而心益

虛章自顧無可報尺寸然其向之無因至前者既已咨嗟稱異不以衆人遇之矣其後此者可知也而猶未能終嘿者轅下之駒感伯樂之顧而仰首長鳴也

### 與韓貫華書

金人瑞

弟昨與蘭老論唐律詩曾云必須忍辱知足樂善改過此言除蘭老外竊恐河漢者不少今於紙尾亦乘便求政人人不忍辱不知足不樂善不改過卽斷斷未有能爲律詩者也律詩一起一承一轉一合只是四句每句只用七字視之甚似平平無異然其中間則有崎嶇曲折苦辣甜酸其難萬狀蓋曾不聽人提筆濡墨伸腕便書者也爛醉天真潑墨淋漓無如青蓮先生然試觀其律詩七章何章不從崎嶇曲折苦辣甜酸之後乃始得成耶或曰八叉手便已得此自是見其臨賦之時殊不知其不賦詩時固無有一時半刻不心心於忍辱知足樂善改過也者此所謂心地也

### 與友人論羅城事書

于成龍

廣西柳州羅城。偏在山隅。土司環繞。山如劍排。水如湯沸。蠻烟瘴雨。北人居此生還者。什不一二。土民有獠獍豺狼之種。帶刀執鎗。性好鬪殺。父子兄弟。反目操戈。恬不知怪。順治十六年冬。初入版籍。成龍於十八年之官。選後。親者不以爲親。故者不以爲故。友者不以爲友。賒脚錢。寄口食。行至清源。同年生王君吉人。其人慷慨好義。反覆開譬。謂粵西非吉祥地。夙知成龍家食。尙可自給。勸之勿往。以繳憑爲高。成龍時年四十五矣。然英氣有餘。私心自度。讀書半生。曾知見利勿趨。見害勿避。古人義不辭難之說。何爲也。揮淚而別。五月抵家。別母及妻兒。資斧艱難。典賣田屋。止得百金。攜蒼頭五人。勇壯可伴。臨行。族人相餞。歡飲至夜。古云。壯士非無淚。不灑別離間。此不情語也。天明舉家拜別。以祖遺田產文券交付長子。但云。我作官。不管爾。爾作人。莫念我。攬轡登程。不復回顧。此時壯氣直可吞獠獍。而餐烟瘴也。行及湖南冷水灘。一病顛連。未免英雄氣短。扶病陸行至桂林。謁上司。皆見羸體伶仃。詢及病狀。驚憫特異。惟勸以方藥調治。勿亟赴羅。抱疴之人。至是膽



落。往。日。豪。氣。消。磨。何。所。病。幾。危。苦。孽。未。盡。不。速。死。及。柳。州。稍。瘥。尙。未。知。羅。城。在。何。許。也。羅。城。與。融。縣。沙。鞏。連。界。行。至。沙。鞏。遇。許。鄉。老。細。詢。之。乃。知。對。山。卽。是。羅。境。登。山。一。望。蒿。草。滿。目。無。人。行。徑。繞。山。都。似。營。壘。陣。場。瘴。雲。慘。澹。苦。霧。淒。迷。哀。哉。此。何。地。也。胡。爲。乎。來。哉。悔。無。及。矣。回。憶。同。年。生。之。忠。告。不。置。也。癡。人。作。夢。以。爲。邊。界。如。此。漸。入。腹。裏。或。不。更。然。可。憐。黃。茅。一。路。直。抵。城。下。八。月。二。十。日。入。縣。中。一。如。郭。外。居。民。六。家。草。屋。數。椽。寄。居。漢。壽。亭。侯。廟。支。牀。周。倉。背。後。夕。不。暝。目。心。焉。如。割。黎。明。到。縣。廷。無。門。垣。兩。墀。茅。草。一。如。荒。郊。中。堂。草。屋。三。而。東。斷。爲。賓。館。西。斷。爲。書。吏。舍。中。開。一。門。入。爲。內。宅。茅。屋。三。間。四。面。皆。無。牆。壁。哀。哉。此。一。活。地。獄。也。胡。爲。乎。來。哉。鬱。從。中。來。病。不。自。持。一。臥。月。餘。從。僕。環。向。而。泣。無。一。生。氣。張。目。一。視。各。不。相。顧。無。如。咎。孽。未。盡。死。而。勿。死。乞。歸。無。路。扶。病。理。事。立。意。修。善。以。回。天。意。凡。有。陋。弊。清。祭。釐。革。自。憾。己。命。不。殞。禍。及。從。僕。黃。瘦。如。鬼。相。對。而。泣。莫。能。相。救。無。何。一。僕。旣。死。餘。僕。皆。病。康。熙。元。年。正。月。謀。爲。歸。計。成。龍。自。忖。一。官。落。魄。復。何。恨。諸。僕。無。罪。何。苦。貽。

累。丁寧。令各逃生。一僕蘇朝卿仗義大言。若今生當死於此。去亦不得活。棄主人  
流落他鄉。卽生亦何爲哀哉。幸有此也。當時通詳邊荒久反之地。一官一僕。難以  
理事。乞賜生歸。當事者置之一哂而已。其年逃僕歸家。大兒悲念天涯萬里。一主  
一僕。何以安身。續覓四僕來。而三僕皆登鬼錄。止存一僕。晝夜號咷。一如風魔。事  
處兩難。一人難以遠行。欲遣此僕歸。則子身更苦。無如此僕更切思歸之念。聽其  
浩然長往。萬里惟餘一身。生死莫能自主。夜枕一刀。牀頭樹二鎗。爲護身符。然思  
爲民興利除弊。囊無一物。猺獠雖頑。想無可取之資。亦無可殺之仇。帖然相安。事  
到萬不得已時。只得勉強爲之。申明保甲。不得帶刀攜鎗。咸遵無犯。間有截路傷  
命。無踪盜情。務期緝獲。隱昧情事。盡心推詳。必得真實。立時誅戮。懸首郊野。漸次  
人心信服。地方寧靜。而上臺採訪真確。於是。有大事始行。解省小事卽行。處決之  
通。行境內雖平。憾與柳城西鄉爲鄰。此地祖孫父子。生長爲賊。肆害無已。申明當  
事。輒以盜案爲艱。置之高閣。成龍思漸不可長。身爲民父母。而可使子弟罹殃。咎

乎。約。集。鄉。民。練。兵。親。督。勦。殺。椎。牛。盟。誓。齊。力。攻。擊。先。發。脾。脍。路。刻。日。進。攻。此。未。奉。委。命。而。專。征。自。揣。功。成。亦。在。不。赦。之。條。但。奮。不。顧。身。爲。民。而。死。勝。於。瘴。病。而。死。也。渠。魁。俛。首。乞。恩。講。和。擄。掠。男。女。牛。畜。皆。送。還。仍。約。每。年。十。月。犒。賞。牛。酒。敢。有。侵。我。境。者。竟。行。勦。滅。蓋。撞。人。不。畏。殺。惟。以。剝。皮。爲。號。令。而。鄰。盜。漸。息。至。是。上。臺。採。訪。更。確。反。厭。各。州。縣。之。請。兵。不。已。報。盜。不。休。爲。多。事。也。嗣。後。官。民。親。睦。或。三。日。或。六。日。環。集。問。安。如。家。人。父。子。言。及。家。信。杳。絕。悲。痛。如。切。己。膚。土。謠。武。陽。岡。三。年。必。一。反。比。及。三。年。食。寢。不。安。人。心。旣。和。謠。言。不。驗。又。云。三。年。一。小。勦。五。年。一。大。勦。比。及。五。年。又。復。無。事。而。民。族。婚。喪。之。事。亦。皆。行。之。以。禮。感。之。以。情。羅。城。之。治。如。斯。而。已。謬。蒙。上。臺。賞。識。列。之。薦。章。遂。有。四。川。合。州。之。擢。自。數。年。來。本。非。爲。功。名。富。貴。計。止。欲。生。歸。故。里。日。食。二。餐。或。日。食。一。餐。讀。書。堂。上。坐。睡。堂。上。毛。頭。赤。脚。無。復。官。長。體。夜。酒。一。壺。值。錢。四。文。無。下。酒。物。亦。不。用。箸。惟。讀。唐。詩。寫。俚。語。痛。哭。流。涕。並。不。知。杯。中。之。爲。酒。爲。淚。也。間。嘗。祝。城。隍。我。無。一。毫。虧。心。事。當。令。早。還。鄉。井。今。得。遇。合。豈。非。上。

蒼。默。佑。回。思。同。行。諸。人。死。亡。無。一。得。脫。輿。言。及。此。能。不。寒。心。是。以。赴。蜀。之。日。益。勵。前。操。至。死。不。變。此。數。年。之。大。概。也。偶。書。寄。以。發。知。己。萬。里。一。嘅。

致汪茗文書

王士正

二。年。契。闊。方。喜。連。牀。三。日。流。連。忽。驚。判。袂。接。手。訊。備。悉。近。狀。一。再。往。復。泣。下。沾。襟。嗟。乎。茗。文。昔。與。同。人。翱。翔。京。雒。入。則。接。席。出。則。聯。鑣。睥。睨。時。流。上。下。千。古。意。氣。何。盛。也。自。鄢。陵。讀。禮。潁。川。引。疾。南。海。出。使。弟。既。風。塵。憔悴。悽。愴。江。潭。兄。復。蹭。蹬。左。遷。退。歸。吳。苑。又。何。衰。也。昨。者。蕪。城。暮。雨。官。閣。孤。檠。相。見。悲。歡。宛。如。夢。寐。竊。思。百。年。之。中。良。會。有。幾。毋。論。舊。游。雲。散。不。可。復。得。卽。如。此。夕。剪。燭。聽。雨。共。話。長。安。舊。事。雖。復。百。端。集。臆。萬。感。填。膺。由。今。思。之。亦。人。生。之。極。樂。也。卜。鄰。洞。庭。之。約。數。載。於。茲。靈。威。丈。人。實。聞。斯。語。比。聞。議。裁。去。李。官。深。愜。鹿。麋。之。性。便。當。一。瓢。一。笠。從。吾。兄。於。七。十。二。峯。之。間。此。願。不。遂。爲。當。奈。何。

與林鐵崖書

王士祿

獨聞先生經營舟車尙思一出。僕不揣愚昧私謂不可以先生疆項自審能化爲繞指耶。以先生古貌古心自審能不吐不茹。乍迎乍拒。耶以先生兀突支離自審能截鶴續鳧。適時諧俗耶。有一不能。卽方馳驅王路。僕且將遺書相勸曰。先生其休矣。矧林泉素甘烟霞可戀。纓組何物足以相牽耶。憶先生與僕語。每自恨無威光。察先生之意。不過以居隱處約。便爲市兒里婦所狎玩。追念升沈不能不時有斯感耳。然吾曹所爲威光。豈車前八騶之謂耶。古來儘有位甚高。儀觀甚偉。車服呵殿甚都。且盛而其人奄奄。泉下比於曹蜎李志者。又有裋褐不完。糠粃不飽。而歌聲滿天地。爲水火所不能傷。魑魅所不敢害者。此其威光又何等耶。況舍人爭席。正有道之所貴哉。先生儻果有嚮意。一讀僕書。亦可忻然一笑。脫轄而折軸矣。

### 與王貽上書

趙進美

竹西烟月。江左風流。吾貽上以一奚囊收之。古稱吏隱者。優游金馬門。從容侍從。諷諫人主之側。未有束帶罄折。日親爰書。臨兩造而游戲。辦之如此。美不佞去國。

萬里躑躅僻壤。聞見孤陋。墨池塵封。雖夙習難除。間一握管。而僣蹇自放。總非故吾。貽上枉函問訊。揄揚溢實。及反復讀近集數過。乃知貽上殆自道也。盍魚江湖之說。取喻甚快。無已更進言之。夫人賦形造物。五官四肢位置皆同。而妍媸各別。性靈各異。今有人於此。欲顛倒五官四肢之位置。自爲新奇不可也。若謂位置同。而妍媸無異。貌性靈無異。用亦不可也。詩文千秋之事。彼門戶相角論議。相勝。徒自苦耳。黠者矜獨運庸者逐餘波。其失一也。時名易襲。論定難掩。自明季能成家言者。推而至於泰始黃初。離合異同。大概可見。近世公安竟陵。排擊歷下。瑯琊不遺餘力。虞山指摘。併及何李。幾於棘手罵座。然杜少陵詩中大成。而推服六朝。唐初人不容於口。自今視之。六朝唐初人何如。少陵公安竟陵。虞山著作具在。又何如。北地信陽。歷下瑯琊乎。此語獨可與吾貽上道。亦願與貽上共勉之。婆娑瘴鄉。意興都盡。瑤華在前。不覺見獵心喜。媿媿至此。

前歲山史自關中見訪詢及交遊名賢卽曰吳郡顧先生品高學博國家典制郡邑掌故天文曆象河漕兵農之屬無不洞悉原委坐而言起而可見諸行事眞當今第一有用儒者也後晤甫草元禮往往言與山史同某私心嚮往冀或日暮遇之屏居邱園過從稀簡又足跡久不及四方度無從奉教左右一旦承先生手翰遠及若以某爲可與言者感愧何如吾道之衰久矣得大力闡明豈非斯人之幸承諭近日言學者溺於空虛無當最中今日流弊竊謂孔門七十子稱顏子最爲好學孔子所與終日言而不違者今論語所載不過問仁爲邦而已言仁以視聽言動合禮爲目爲邦以虞夏商周制度爲準喟然一歎亦以博文約禮爲夫子之善誘則聖賢之學非空虛無當也明矣至曰一貫曰無言總見聖賢全體大用內外合一動靜無非道妙亦非虛空之說所可假借陽明良知實從萬死一生得此把柄當時確有實用今人不求所以致之之方而虛作一番光景玩弄故流弊無窮某妄謂今日無眞紫陽亦未必有眞陽明也大刻精確有裨世道敬服敬服

惜不能得日知錄盡讀之何時面聆台教聞所未聞乎

上熊孝感相公書

陶元淳

元淳昔游都下。值公居洛之時。未獲造門。戊辰歸里。座主徐公以書與之曰。孝感公見會稽錄文。極賞足下理學醇邃。欲相薦引。癸酉歲。屬草崑山相公墓道之碑。又蒙歎譽。至今藏弄東海。頃者持法太堅。觸忤當事。陷於文網。又蒙部議。力爲洗白。自惟平生。無一善狀。徒以師友淵源。得託大賢之門。旣感知己。又荷恩私。此及門諸子之所難。而以元淳得之。公之遇之者。不爲不厚矣。夫士君子之出處。各有本末。學問各有原委。非其人而強語之者。慎也。遇其人而不就正之者。瞽也。元淳束髮受書。頭白無所成就。於學問非有得也。年逾強仕。出身萬里。又以被誣乞歸。於出處非有關也。然生平嚮往。頗知決擇。當世有大賢焉。而不知就正。則終無是正之日矣。太史公有言。請略陳固陋。今日試陳之。倘亦孔氏盍各之義乎。元淳少。有經世之志。妄謂先王之。大經大法。亡於商鞅。歷漢唐宋。元遵用秦法。至明祖而。



更始我世祖章皇帝亟推之以爲遠過漢唐今會典所載功令所懸典章制度綱紀節目大約皆明之遺也然明之子孫不能守其祖宗之良法名存實喪流弊至今未釐元淳不揆狂簡以爲國家開創數十年未遑制作承敝通變正在今日竊慕賈生治安之志欲以六部所統之政爲綱以曹司所分之職爲目條列得失去其中晚之弊而復其祖宗之法亦去其祖宗立法之小疵而成我國家不刊之大典此固壯年之志不自知其迂而無當者也年長不偶遇汪子武曹於京師相與論洛閩之學沿波討源辨晰微眇深自以爲弗如然竊謂聖人之道昭垂六籍至宋儒而大明後人但當力行以求其所爲弗畔者不當復標講學之名以樹射者之的故自二十年來檢括身心於日用動靜語默之際隨時體認隨事力行期於變化氣質涵養義理而未嘗有所著論然材性庸下工夫未熟今又投命窮荒不得親炙當世之賢士大夫薰陶濡染以進其德而潰於成其頭白而無所成就宜也此固一生學問之大凡也至於出處亦有可得而言者少年好古文詞以爲潤

色鴻制。丹青至化。亦占文臣不朽之業。後見中朝之士。祿入不足於供。往往奔走形勢。關說事情。以佐斗升之不給。而其不肖者。遂因之而大爲奸利。人品之壞。多由於此。以故絕意清華。殿試前九列中有欲爲之地者。要往一見崑山相公。時以明史之故。欲留共事。勸稍委蛇。往復三日夜而卒不應。崑山歎息而止。是時武曹兄弟同館。知狀良不欲苟進於其始也。旣選昌化。感劉東山願親民事之語。以無地無遠近。賢者皆當盡心。而寧知其事。又有不盡然者。處元淳今日之勢。必不可。以復留。而其大指則有三焉。母年七十五歲。家徒壁立。無甘旨之奉。尋常音問。經歲不得一通。起居眠食。都不可知。疾痛疴癢。俱不可測。以情言之。必不忍以復留矣。昌化額糧千五百兩。而浮糧荒糧。十居其七。其公私雜派。又不下千五百兩。正供一而私飽十。官取十而中飽百。以故盡室逃亡。荆榛滿目。元淳不得已。節衣縮食。盡捐雜派。斷絕交際。清理賦役。又條上浮糧始末。一詳再詳。誓必豁免而言者。諄諄聽者藐藐。駁查再四。竟被阻格。古人不得其職。則去以義言之。亦不可以復。

留矣。丙寅丁卯間。崑山相公延致京師。商略史事。爲言體例之不當。是非之失實。詞旨之踳駁者數條。崑山大喜曰。此事終以相屬。歸田之後。屢書相訂。欲以餘年自爲一史。孤行於世。而竟不果。今便欲投簪返服。譟集舊聞。期以十年之力。成就此事。以終崑山相公未竟之志。且前任七子。連卒於官瘴毒所染。萬死一生。及今亟歸。而疾病彌年。精銳已耗。若復不去。此書將不能成。故以時言之。又不可以久留矣。去春乞身者。再適有崖營之事。舉天理王法而倒置之。私心顧竊喜以爲微罪可行。今雖奉有嚴駁。亦仍任其顛倒。而不復求直要之。不可以貪位苟祿。使鄒魯立節之士。笑其無恥。譏其難退。如是而已。此又一生出處之大凡也。伏惟明公斯文啟後。有覺開先。昭代真儒。關係微言之絕續。熙朝元老。擔當天下之安危。頃者外患既弭。內治方急。抑陰扶陽。將在茲日。如元淳者。亦何足數。但念古之人。寧終身不得食。而不可一日不聞道。寧見棄於當世之君相。而不可見棄於賢人君子。元淳以不善俯仰。所至見迂流俗。今在海外。惡直醜正之輩。益憎其立異。而謗。

毀之排。窄之然。初不以屑意。而惟恐不蒙賢人君子之收錄。則身雖倖免。終不得復比於人。故惓惓然自通於左右。忘其身之將隱。而冀公之見收。教其不及而造就之。雖沒齒無恨。生平著作不多。今錄海外之作。并昌化縣會計經費錄一册。奉塵台覽。地方蕭條之況。時勢經理之難。一邑如是。卽一路可知矣。幸公垂情省覽。

與櫟園論字學書

徐芳

生平資性淺儻。不能讀艱深奇奧之書。而尤荒於字學。如字母說文諸書。每一展卷。頭輒涔涔痛不可忍。因遂置之以爲字取成文。達義理。適於時用而已。不必點畫微細。盡合於古。楊脩得尙書古文。書訊刺字。並皆用之。當時稱爲怪人。夫尙書古文。已不能通於漢魏之世。況今日乎。如必取數千年前之古文。原委與今文。銖銖較議。若者合。若者繆。則周冢玉文。八十字合。李斯叔孫通兩人。僅識其十。其不識者亦已多矣。而顯節陵之蝌斗書。以張茂先之博物。竟不能辨。秦晉周漢相去非遠。而書法懸異。則已如此。又安見文之今者爲今。所謂古者果遂古乎。世儒屑

屑以上世遺文評議天下之字而責其必合者亦見其不達也故嘗竊意字學之妙不在正詁而在旁通正詁前人已詳毋庸以碎益碎旁通觸類引伸其蘊甚宏其用甚大吾輩讀書識字固當於其宏且大者求之年來字廣一輯意頗在此櫟園已先得之照乘之珍出矣草際飛螢亦奚以爲辱下問愧其無以應也因又有積疑未剖者字畫如易離合變化不可典要往往於正詁之中寓旁通之妙如夢刀得州失禾增秩之類約其大旨不出象形會意數者之間推此卽水皮爲波三牛爲犇其說亦似未可盡詆謝石生宣和靖康之季介甫字說盛行於時其學未必不出於此惜其書罕見不得其全本讀之以考其得失也妄意介甫之謬甚多不在字說後世之苛求不已者正以當日崇重太過而蘇黃諸君之筆舌夙爲天下學士之所傾嚮一經拈剔嘻笑之傳甚於怒罵介甫之徒雖百十手口固不能與之爭其廢焉宜也若論介甫之精心博識著作無不工者未必字說一書偏爾紕繆其所以爲說亦固出於六書之中至於支離穿鑿卽許氏說文亦有不在介

甫下者而世奉爲金科玉律介甫之書世無見其全者徒以一二字之沿襲指摘句讀小兒語及字說便加排議所謂有幸有不幸也此意從不敢聞以櫟園胸具千古因以其所疑質焉

### 與沈位山書

嚴虞惇

都門握別忽已六載知吾弟杜門養道立德立言正足追配古人具徵德器深厚學問堅定視僕之碌碌風塵不啻鯤鵬之與蟻螻矣當此時勢日就衰薄居官無一事可爲不過要錢耳論古入之道自當深潛隱伏超然事外但吾弟年尙少力正強非隱居之日又出宰百里作民之牧或有一二利益百姓之事亦士君子讀書用世素願但須拚此一官不畏不疑亦不必作過情之事但從百姓起見吾盡吾心其他利鈍聽之於天但得如朱邑之桐鄉亦足永永不朽矣僕自少有此志欲作一親民之官好作條教少立名迹此志不遂蹉跎至今願吾弟勉之只此一官尙可爲餘則向背俱觸僕又見今日所稱奸官纔到任便減陋規革常例標榜

清節矯飾聲譽而其實私門旁竇暮金日進人皆謂之清官欺世盜名尤爲可恨僕所見真正清官湯潛庵先生一人而已清不絕物和而不隨此人若在聖門不亞四科之列願吾弟以此爲法而今之所謂刻薄苛覈一流切勿效之也

### 慰黃子敘書

裘璉

接令子凶問爲足下悲悼累日令子病狀僕久稔悉山公更爲僕道說委細大指以足下不與令季析居致令季屢破足下產令子由是幽憂成疾馴至大故爲辭家庭間事多有不可爲人言令子山公壻也以愛女故執其說無足怪至戚友相見率多以此咎足下嗚呼聖學晦蝕人倫乖舛今之世無不愛其妻子而薄其兄弟者雖父母所遺之產猶未能不瑣屑引較況足下畢生傭書之直屢積而令季屢敗多非情理者乎令子之疾其必由此諸言者皆非誣也然僕坐是益敬愛足下以爲雖古人中未易有如足下者竊意足下非不愛其子也特以不勝其愛弟之心焉耳足下非不知子之愛產是而弟之破產非也特以爲財故而析其弟至

萬。一。不。能。餬。口。而。凍。餓。流。離。則。其。得。罪。吾。父。母。也。實。甚。且。苟。聽。妻。子。言。遽。疏。手。足。亦。何。異。衆。人。情。耶。故。斷。不。忍。出。此。耶。乃。今。也。子。以。是。死。婦。以。是。怨。足。下。之。割。愛。而。全。天。倫。也。如。故。則。僕。之。敬。愛。足。下。以。爲。雖。古。人。中。未。易。有。如。足。下。者。其。益。信。矣。昔。鄧。伯。道。避。亂。欲。全。兄。子。遂。棄。其。己。子。不。顧。終。以。無。嗣。足。下。用。心。得。無。類。是。夫。聖。賢。舉。動。一。斷。於。理。至。於。天。性。之。閒。則。并。非。理。所。可。拘。以。是。爲。厚。之。至。也。當。伯。道。棄。子。時。微。論。度。己。當。有。子。卽。有。人。焉。決。其。後。之。無。子。勸。其。不。爲。是。亦。必。不。聽。惟。其。如。是。故。後。雖。無。子。終。不。悔。而。人。乃。以。此。爲。伯。道。惜。且。爲。天。惜。甚。哉。其。不。明。於。古。人。用。情。之。至。也。此。意。惟。僕。看。古。人。最。透。知。足。下。必。不。悔。然。西。河。之。痛。今。必。不。免。僕。謂。足。下。既。逆。知。其。必。然。而。終。不。顧。則。復。何。痛。哉。以。愛。弟。之。心。譬。之。其。可。也。子。死。而。弟。得。飽。煖。相。依。吾。父。得。不。怨。恫。於。在。天。足。下。之。所。大。快。矣。或。曰。足。下。有。孫。二。人。庶。幾。賴。是。少。解。其。悲。情。固。然。僕。又。謂。足。下。卽。無。孫。其。處。此。亦。必。爾。也。或。又。求。其。說。不。得。謂。足。下。立。身。行。己。固。無。可。訾。近。者。三。入。李。官。之。幕。不。無。冤。抑。以。是。罹。罰。亦。未。可。知。僕。



告之曰。子敍厚德。平反寧出無入。吾黨莫不信之。由子言。將無孔子大聖。亦以爲魯司寇。故致死伯魚耶。其人語塞。僕隨曉之曰。大凡觀人。務求其德。不宜傳會。徵應孔子。卽多產子男。享永年。不以此加聖。卽不幸。併無伋伋。不大賢。聖亦不以此損何者。德與遇不相蒙也。嗟乎。足下失愛令子。衆人之所惜。獨厚令季。吾黨之所欽。僕作此書。非徒奉慰。亦欲少揚足下仁風。令天下人知輕妻子而重兄弟。孝子仁人之用心。賴足下而不泯於世。則僕之意也。足下以爲何如。

### 寄王大宗伯書

尤侗

侗自辭絳帳。遂出青門。策蹇足以言旋。挂征帆而長往。於斯朱夏。爰渡黃河。雖去國之悲。生平已矣。而歸田之適。意氣浩然。松菊猶存。琴樽無恙。便當躬披短褐。手執長鑿釣魚。東海之濱。種豆南山之下。聊云卒歲。敢曰違時。惟是刀筆小吏。受至尊之知。章句庸儒。奉大賢之教。而功名不立。學業無聞。霜露忽凋。草木同腐。以此抱愧。未能解憂耳。然而易著。見幾書稱。知命侗雖不敏。請事斯言。所賴仰託門牆。

俯哀溝壑。知白雪之寡和。附青雲而益彰。苟達微忱。寧愁遠道。時因便羽。率候興居。書不盡言。翹首而已。

與李武曾論文書

朱彝尊

僕之將遊大同也。筮之得明夷之既濟。文曰箕子之明夷。利貞。私念昔之聖賢。文明柔順。蒙難而克正其志。以之用晦而明天。殆欲嗇我遇以昌。我文未可知也。既至大同。閉戶兩月。深原古作者所由得。與今之所由失。默然以疑。憬然以悔。然後知進學之必有本。而文章不離乎經術也。西京之文。惟董仲舒。劉向。經術最純。故其文最爾雅。彼揚雄之徒。品行自詭。於聖人務掇奇字。以自矜尚。安知所謂文哉。魏晉以降。學者不本經術。惟浮夸是務。文運之厄。數百年。賴昌黎韓氏始倡聖賢之學。而歐陽氏王氏曾氏繼之。二劉氏三蘇氏羽翼之。莫不原本經術。故能橫絕一世。蓋文章之壞。至唐始反其正。至宋而始醕。宋人之文。亦猶唐人之詩。學者舍是不能得師也。北宋之文。惟蘇明允。雜出乎縱橫之說。故其文在諸家中。爲最下。

南宋之文。惟朱元晦以窮理盡性之學出之。故其文在諸家中爲最醇。學者於此可以得其概矣。以武曾之才。正不必博搜元和以前之文。但取有宋諸家。合以元之郝氏經。虞氏集。揭氏僊斯。戴氏表元。陳氏族。吳氏師道。黃氏潛。吳氏萊。明之寧海方氏孝孺。餘姚王氏守仁。晉江王氏慎中。武進唐氏順之。崑山歸氏有光。諸家之文。游泳而紬繹之。而又稽之六經。以正其源。考之史。以正其事。本之性命之理。俾不惑於百家二氏之說。以正其學。如是而文猶不工。有是理哉。惟怠心乘之。役於妻子衣食。而輟置不講。則其害有不可言者。然吾黨處貧賤不堪之境。尤當以艱貞自勵。不可自夷。其明此箕子所以處明夷之道也。武曾聞之。以爲然耶。否耶。

### 與陳際叔書

陳維崧

際叔足下。載披新製。歡笑無量。循環把玩。不啻口實。慨自江表喪亂。文籍散脫。掌故流落。有同甲帳。文史毀棄。便類羽陵。風尚所期。惟在足下。今茲書敍。大似休瑾。其餘撰述。自多傑作。夫以孔璋之才。不嫻於詞賦。士衡適藻。亦以手重見訾。固知

雕蟲小技。未可輕棄也。足下諸賦。已必傳矣。僕才質疎放。姿制誕逸。頗致藍田。狷忿之譏。時叢平子。輕狂之諂。間有侯芭。嗜奇之癖。時多吳質。好伎之累。每當四節之會。風日閒麗。親懿稠密。丹輪徐動。華軒遂盈。當斯時也。賓徒迭進。則神思轉怡。簫笳互激。則酬應彌妙。昔大梁侯方域。常作文章。必須聲伎。僕不幸遂似之。至於別崇臺入曲房。弛華裳。跼利屣。銀燈乍滅。文纓已絕。臣心最歡。才能一石。何論八斗。且夫燥濕之理。各有其宜。動靜之性。奚能一致。若使龍泉不試之盤。錯騏驎不驟之康莊。則羽檄何以擅長。於枚臯書函。何以著稱。於齡石。今者塗路既局。神明有限。塊處怵息。忽焉終日。已失裨謀。野之助。幾蹈莊叟文犧之喻。而欲矯厲。文采以供撫掌。豈可得耶。將毋過高唐而善謳歌。臨睢渙而思藻績。祇爲欺我。無關實事也。

與從子天士書

賀裳

鄉城相隔。向未知吾子之深。近日爲竹林之遊。始知足下負有至性。論有本源。夫

非常之人。豈常人所能識哉。願足下毋自鬱鬱。亦何獨足下。古數有之。韓王孫一市不知一女子知之。謝惠連其父不知。從兄知之。王汝南其兄不知。閱十餘年。其姪始知之。骨肉尙爾。況外人哉。維物亦有然。柯亭之竹。爨下之桐。荆山之璞。豈惟無過而問之者。蓋將駸駸不免。然卒爲至音奇器。始之詆而辱之者。旣且交口譽。頌是以知足下之必有得於後也。願無鬱鬱。然僕亦有一言。願爲足下進焉。世之齟齬足下者。以疎節不媚耳。今欲足下荏苒筋骨。甘柔言詞。伺察人顏色。度足下不能。僕亦不爲足下願。獨恐世棄君平。君平亦棄世。將高臥邱壑。漸趨於枯槁。此僕之爲足下慮也。夫士生於世。其陋者以富貴相期。淺者以文章自足。僕則謂當以濟世安民爲念。不若究心經濟之學。寧有具而未用。無待用而索具。今足下齒方壯。正積風負翼之日也。幸自勉旃。以遠大者爲期。無以僕爲狂言。

### 答謝生書

方黎如

先公遂騎箕尾。八千里路消息不相聞。走唁無時。有爲位而哭耳。辱命使銘其埋。

嗚呼。何可當也。僕故未習爲銘章也。見今之爲銘章者。彌不習。見今之爲巨公貴人銘章者。則彌不習。雖微僕而已。起古之習爲銘章。如昌黎柳州廬陵臨川諸公。使見今之銘。其巨公貴人之章。亦當以不習爲解。蓋古之應銘法者。三修之於身。施之於事。見之於言。有一焉。則雖其人無五兩之綬。半通之銅。而有道而文者。不靳與之銘。書之刻之。一片嵌巖。施於孫子。不必其巨公貴人也。而爲之銘者。亦不必巨公貴人。惟有道而文者。是使而今之應銘法者。亦有三。一曰家世。如所云四世五公一門七侯也。則書。一曰官階。如所云四時仕宦三台周歷也。則書。一曰恩賜。如所云金帶內盼玉案推食也。則書。行間茂密。舉體沓拖。如此而已矣。往者佛助魏書。名爲穢史。宋臣之表上魏書也。以謂終篇累卷。皆官爵州名。覽之生厭。不圖今誌墓者。乃復似之。不似之。乃反以爲不當律令。不合時宜。嗚呼。世而無韓柳。歐王也。世而有韓柳。歐王設不焚其筆。研惡言。詈詞。有倍萬當日錢公輔者矣。且夫今世所云。亦奚不應銘法之有。傳稱保姓受氏。以守宗祚。祿之大者。非家世乎。

周禮爵以馭其貴。非官階乎。予以馭其幸。非恩賜乎。若是則奚不應銘法之有。雖然有修之於身。施之於事。見之於言者。而橫侈此三事以蓋之。是買積而還其珠也。無修之於身。施之於事。見之於言者。而空借此三事以榮之。是負且乘致寇至而爲其先人發笑以自黜也。此之謂不孝。而又將使見之者謂特官人以世耳。爵及惡德耳。恩及私暱耳。是自明揚主上之過。而公與私交病也。此之謂不忠。一舉而數不善備焉。然且曰律令曰時宜。嗚呼。其將胥天下之誌墓者而爲後人作鎮石邪。僕非有道而文者。一斥不復。無頭銜以焜耀人望。而案前肘後。又率皆韓柳歐王輩遺下冊子。度不可卒變。世棄君平。未有以此事謁而來請。其有之亦必先以荆公所云拙文自有意義。不可改者與之約三章焉。然後敢拜命之辱。請者遂巡罷去。今足下方成進士。爲時聞人。恐未肯顧僕息壤。爲先公作此冷淡生活也。先公行應銘法。於古今人所尙三事。蓋皆挾而有之。在下筆時手一上下耳。世不乏巨公貴人。能赴足下顛蹶之請者。幸留意焉。

答陳翰林書

蒲松齡

古人一日之別。猶懷戀恨。數里之隔。動輒相思。況乃天限南北。眞如異世。鍾情如我輩。誰能不悒悒者哉。憶握手狼山之中。同舟邗水之間。我未喝陰。君猶茂齒。縱飲雄談。懽呼徹曙。直欲揮白日使停晷。止參斗使不墮。每一文成。疊肩擊節。追隨晨夕。使人樂而忘疲。不虞我輩聚首。遂爲天公所妬。廣陵把袂。悲緒紛來。每一念及。難爲胸臆。顧乃鑼鼓收場。反蒙繾綣。桃花潭水。未足言情好也。獨是王孫歸去。僅有鶴琴。倦鳥飛還。惟存松菊。羊豕作侶。麋鹿爲曹。忽忽十七年。不覺龍鍾殊甚。于思猶故。但所異於昔者。白耳。倘今日復相邂逅。恐乘車者不能認戴笠人矣。自分年老氣衰。無復深思。心則歷陵枯木。髮則睢陽亂絲。三餐外。非山中六七旬人所宜過問。遂於世事多所龔贖。客歲偶閱邸抄。乃知弁冕詞林。此中欣慰如獲異寶。雖猶是於熱鬧場中作冷淡生活。然讀書稽古。庶知蒼蒼者不相背負耳。私心竊擬申賀。不圖高雅先施。致音書於窮谷。灌手薔薇。喜淚交并。孔集老友。奄然物



化。忽蒙訊及。彌深涕零。遂因鴻便。聊附尺帛。土物淺淺。少盡微忱。臨穎神馳。不盡欲言。

### 與韓樾老定州書

蒲松齡

握手話別。忘卻幾易寒暑。而蒼蒼者已化而白矣。仕途黑暗。公道不彰。非袖金輸璧。不能自達於聖明。真令人憤氣填胸。欲望望然。哭向南山而去。聞足下敝廨軒冕親朋皆弔。某獨快之。竊與令甥言。倘尊外舅有浮海之遊。其負蒲團以相從者。非他人必某也。既而聞士庶之號呼者。絡繹於道。則大喜大慰。喜者何。喜夫特達之知。未必不出於此。慰者何。慰夫平日之良。雖喪於冠裳。而幸存於匹夫匹婦。則知我者。尙有蒼生何憾哉。當淵明歸田時。設有此攀號。亦未必不勉爲五斗留也。昔王喬以仙作令。豈他有冀倖哉。亦以無地非修行耳。某素不達時務。惟思世無知己。則頓足欲罵。感於民情。則愴惻欲涕。利與害。非所計也。足下想亦人情。無煩親友怪詫矣。久疏修候。聊以寄懽慰之情。便訊起居。瞻切何已。

與皇甫君書

魏 祥

昔漢高帝以天授之資。善將將之略。而韓彭英布爲比肩之人。諳韜鈴之法。懷利欲富貴之心。故困辱之以折其氣。駕馭以使其才。厚其土地。封爵以饜其所欲。而後世遂曰高帝能顛倒英雄。然其時商山四皓。招之不至。矣。田橫。義士五百人。赴東海而死矣。則夫所謂顛倒者。特行之於貪利之人。而不能施於禮義廉恥道德之士也。以天授之才。尊爲天子。如漢高帝。猶且有不得行。而況其餘者乎。今有愚人。智不及中庸。名不出閭里。偶得一官。妄自尊大。遂簡賢慢士。闢視大言。曰吾欲顛倒英雄。夫顛倒英雄者。天下大英雄事也。其氣識過於英雄。故英雄雖知受其顛倒而已。才得伸己欲。得遂不能不屈意而從之。庸碌之子。守禮義而處踐跡。而行猶不免罪戾焉。而曰吾欲取英雄而顛倒之。嗚呼。何其愚之不可及也。且夫天下之易欺者。莫易於自謂人不敢欺。天下之受諛者。莫過於自謂我不好諛。多疑之夫。恆善疑君子而信小人。好名之徒。往往已欲圖名。而左右爭竊其利。故曰偏

聽生奸。獨任成亂。不曉事。性執拗。王安石所以毒天下也。好問好察。大舜所以爲大知也。善善不能用。惡惡不能去。郭公所以亡其國也。夫以下愚之才。備驕吝之惡。好諛惡直。信奴隸。任胥靡。而專意於簡賢侮士。以逞其恣肆之妄。曰吾顛倒英雄之術。如此嗚呼。非真顛倒悖亂。至於不可救藥者。亦安能爲此語耶。執事其亦察之。

## 與王阮亭書

張九徵

三。日。夕。讀。大。篇。幾。成。不。寐。淳。于。之。歎。子。建。李。密。之。遇。秦。王。氣。奪。神。移。莫。知。所。以。竊。怪。諸。名。士。序。言。猶。舉。歷。下。瑯。琊。公。安。竟。陵。爲。重。夫。歷。下。諸。公。分。代。立。疆。矜。裕。矜。調。皆。後。天。事。也。明。公。御。風。以。行。飛。騰。縹。緲。身。在。五。城。十。二。樓。猶。復。與。人。間。較。高。深。乎。譬。之。絳。灌。隨。陸。非。不。各。足。英。武。對。留。侯。則。成。僮。父。嵇。鍛。阮。酒。非。不。骨。帶。烟。霞。對。蘇。門。先。生。則。成。笨。伯。留。仙。之。裙。霓。裳。之。舞。非。不。絕。代。對。洛。神。之。驚。鴻。游。龍。則。掩。面。而。泣。屋。漏。之。痕。古。釵。之。脚。非。不。名。世。對。右。軍。之。鸞。翔。鳳。翥。則。臥。被。不。敢。與。爭。然。則。明。

公之獨絕者先天也。弟知其然而不能言其然。杜陵云：自是君身有仙骨，世人那得知其故。此十四字足以序大集矣。自題丙申一篇，全身寫照，睥睨前人。公安滑稽而不典，弇州工麗而不遠，竟陵取材時文，競新方語，既寒以瘦，亦俗而輕。何有於諸聲麗則乎？明公徵言，獨有千古諸名士，猶圍七里霧中耳。京口題名壁上，七則造語似酈道元，而逸氣仍屬青蓮。弟欲歸分嵌各山麓中，老公祖世傳墨妙，肯以大襪紙揮灑，使與貞白蘇米分主諸山乎？

心喪劄子答鄞令

全祖望

不孝孤於乾隆三年十二月廿六日，遭先君變，罪大惡極，不一而足。續於四年十二月初三日，接丁先太孺人憂，荼苦洊至，持服至乾隆七年三月，不計閏，已滿喪期。然而二喪各應有二十七月之期，則未足也。不孝孤私心未安，又念禮制有所限，故行心喪，至八年八月，以足五十四月之期，自謂可以無害，而執事過之，以爲律之所無。夫唯律之所無，故以心喪通其窮，不然，則何以謂之心喪也。蓋嘗聞明

時有疊遭丁憂之例如此者。請於提學蔡文成公。而文成不以爲然。以爲三年之喪。本於心之至痛。該生後喪之至也。豈能抑其痛至之心。使待前喪之畢。而後以次相及。此必不能之事也。則至痛歷三年不得不除。不必踰定制而過於厚也。文成之言固是矣。但不孝以爲是在人子。自返其心。苟其心之痛已盡。則除之可也。如其未盡。雖引而申之。以至五十四月亦可也。蓋嘗考舊史。已有先文成而折衷之者。宋史天禧四年。御史臺言文武諸官并丁憂者。相承服五十四月。別無條例。乞下太常禮官議。於是太常議引喪服小記。小喪除服。以及鄭康成賀循杜預之說。謂無通服五十四月者。宜隨其先後而除。是卽文成之說也。乃寶元中王恪以父母相繼不祿。乞持五十四月服。而仁宗特許之。則事固有可變通不盡泥也。喪禮大事。古人成案最多。可以參考。今執事驟聞不孝所行而駭之。懼爲大部所詰。不知不足懼也。大部果有申飭。亦詰不孝而罪之耳。於他人無與也。且不孝守律於服則已。除之而心喪則未除。校之宋明人所行似已並全。而無礙。倘必以爲有

犯定禮則卽揭不孝之罪請秩宗諸公博議之不孝已行之矣寧有所諉咎乎率爾奉復不旣。

### 與友人絕交書

全祖望

某少時從家君子受禮記正義至原壤之母死登木而歌孔子若爲弗聞也者而過之曰親者無失其爲親也故者無失其爲故也卽憤然請曰是非夫子之言也所貴乎聖賢者植天經扶地義曾有彼自忘其父母而我尙念故舊之誼者是非夫子之言也家君子曰善哉孺子之問也檀弓多誣聖語先儒詳言之矣顧於此乃未有及者但卽以爲聖人果有此則不磷不緇唯聖人乃可若學聖人之博大而自流於比匪之傷此斷不可者孺子志之去年足下從淮海歸赴試甫及第三日得瘧症時某來訊足下號房中尊大人握予手戰栗周章無措某時心危尊大人將因足下致病及試事竣某先渡江聞足下病未起肩輿就道尊大人之勞瘁百端交集故抵家而已不起某因以危尊大人者危足下謂足下以身故喪厥考

呼天搶地。從死固當。但祖宗嗣續之傳。老母弱弟俱從。足下肩其事。則一綫之承。不可徒死。是以聞訃設位。哭尊大人於靈座。卽訊足下喪次。以此意相慰。且相約諸好友共爲解諭。乃至今日。而始自笑前言之愚。且拙也。方足下於卒哭後赴淮。揚而復歸也。內衰而外服緇裘。某是時卽駭愕。謂庶見素冠。庶見素衣。豈在吾黨中。卽有此歎。隨以此責足下。而足下謂不幸作亡人多嫌諱。故不得不出此。豈料未踰年而有子也。夫尊大人之死。死於足下。則足下之居喪。尤不當與凡爲人子者同例。又況足下是時病尙未愈。衆方憂其不保。是以一切擗踊哭泣。皆加裁節。而足下喪心至此。是可忍也。孰不可忍也。足下亦追思當是時。麻衣菲履。頭顱亂髮。斬斬長三五寸。西階殯所。噫咳如聞。慈寢哭聲。淒其未絕。而乃以代哭之間。合歡同夢。在足下。或以繼嗣義重。欲慰死父含飴之望。是或一道。非固陋者所能知。然亦太匆匆矣。嗟乎。當今日而言居喪。固君子所大不忍觀者耳。斬齊之服。孰有持之二十七月者。而寢苦枕塊。置之不問。食稻衣錦。揚揚自如。惟御內生子一事。

稍知廉恥者。或尙有所不爲。此蓋夜氣之存。蛛絲馬綫一息未絕。天地所以不崩裂。人物所以不滅亡。而別於禽獸之幾希者。今某不幸而與足下交。見有此事。天乎。某亦何罪而致此。足下旣舉子。與某相見。某曰。君家祥祭有呱呱兒。稱阿孫。大是奇事。足下若弗聞者。某又問曰。君家舉子。隔小祥忌日幾何。足下又若弗聞者。雪汀正色斥足下。而足下仍無忤色。徐曰。不知何故。忽有是事。足下喪心至此矣。某亦何不幸而見此。昔嘗痛恨元凶。劭弑父。弑君。天地間何以有此亂臣賊子。及考宋書。知文帝以居廬中生此子。乃瞿然曰。天道昭昭。乃至於此。而小說家有謂商之受辛。明之武宗。其生皆類元凶。是以亡國破家。先後一轍。雖其說未有考。然孝子之後。必有孝子。簷溜涓滴。不可移易。則不孝之後。其有不孝起而報之。覆宗絕祀。理所固然。夫復何怪。是以唐宋以來。喪內生子。載之律文。獨明太祖起於草莽。不知詩書。所頒之孝慈錄。削去此條。反詆古禮爲不情。在當時大臣若劉某。宋濂輩。不知引君當道。力爭以存其說。萬季野以爲一時小儒。無復人心。今足下可



稱明太祖之功臣哉。某幼而失學。長而無行。至於如足下者。亦在交游之列。則庭幃之慝。誠有不減。足下者。是以愨天。如擣不能。昂首一望。日月今請。足下自此與某絕。足下善自愛。噫。十年友誼。耿耿難忘。但足下知某分量。必不以聖人之博大望某也。

### 與厲樊榭勸應制科書

全祖望

近奉明詔。特開制科。以求三館著作之選。吾浙中人才之盛。天下之人交口推之。無異辭。樊榭之姿。詣吾浙中人交口推之。無異詞。乃聞樊榭有不欲應辟之意。愚竊以爲不然。穀梁子曰。心志既通。而名譽不聞。友之罪也。名譽既聞。而有司不舉。有司之罪也。今樊榭爲有司所物色。非己有所求而得之也。而欲伏而不見。以爲高。非中庸矣。且自有是科以來。吾浙人不居天下之後。宋之制科。初猶累易其名。其復博學鴻詞之舊。自紹興三年乙卯始也。而吾浙人相山王公冠場。自紹興以至咸淳。如說齋東萊深寧。皆一代儒林之圭臬。越四百年爲國朝。康熙己未制科。

而吾浙人羨門彭公冠場。其同年者如竹垞西河。皆一代文苑之圭臬。其餘則尙未能累舉而悉數之也。是吾浙人之於制科如春秋之世。主夏盟。未有能先晉者。迄今先輩之典型尙整。二三兄弟皆足鏃厲而進於古。可弗懼吳楚之爭長。齊人之歌代興也。嗣世繼霸。吾願樊榭與葦浦諸君勉之。夫是科固天下膏粱之望也。紹聖廷議以爲是學者之勸率。而世人竊呼爲選定兩制。以足下之才應之。亦未始非盛事也。愚之才不足以爲樊榭之役。同好諸公阿私而許之。亦欲使預於邾滕之末。前望古人。退而上下於諸君之間。歆然不覺其自失也。是則由衷之語。而正非樊榭所可援以爲例者也。諒浙中當道必不容樊榭之請薦章之出。指日可待。吾將求樊榭所業而觀之。

與翁止園書

方苞

僕晚得交吾子。心目間未嘗敢以今人相視。及遭禍。所以憫其顛危。開以理義者。皆不背於所期。是吾子所以交僕之道已至也。有疑焉而不以問。則於吾子之交。

爲不稱。故敢暴其愚心。近聞吾子與親戚。以錐刀生隙。噴有煩言。布流朋齒。雖告者同辭。僕堅然信其無有。然蘇子有言。人必貪財也。而後人疑其盜。必好色也。而後人疑其淫。母亦吾子之夙。昔尙有不能大信於彼人者乎。僕往在京師。見時輩有公爲媒。瀆者青陽徐詒孫曰。若無害彼。不知其不善而爲之也。吾儕有此。則天厭之矣。昔叔孫豹以庚宗之宿致餒死。叔向娶於巫臣氏。而滅其宗。蓋修飭之君子。不獨人責之。天亦責之。詒孫之言。可謂究知天人之故者也。僕自遘禍。永思前愆。其惡之形於聲動於事者。無幾也。而遂至此極者。既將以士君子爲祈嚮。而幽獨中時。不能自灑濯。故爲鬼神所不宥。吾子高行清德。豈惟信於朋友。雖鄉里間愚無知者。猶歎羨焉。然則子之行身。其慎矣哉。僕又聞古人之有朋友。其患難而相急。通顯而相致。皆末務也。察其本義。蓋以勸善規過爲先。僕自與人交。雖素相親信者。苟一行此。必造怒而逢尤。僕每以自傷。然未敢以忖吾子於前所聞。旣信吾子之必不然於後所陳。又信吾子必心知其然。是以敢悉布之。

與望谿先生書

沈 彤

彤年三十五六時。嘗與交友輩言志。皆曰得位則立功。不得位則著書作文。名傳不朽。彤乃慨然曰。吾德薄才小。舉業無華。度未必得位。而有立於時。獨其心頗能窺經傳之奧旨。而其筆亦尙足闡明之。寫之於篇。庶幾於昔賢。後學不無小補。則所以任爲己職。而勤修不懈。以不虛父之生。君之食。師之教。與天地之覆載者。卽在此書與文也。敢徒以傳己之名哉。爾時彤正從事尙書。其後於他經亦各有所解。乃并未成帙。至於儀禮。則以爲自古注家少。聖人之精蘊。沈鬱於是。書者獨多。雖無用於今。而通其意。均足以節情而養性。故丁巳以來。尤汲汲圖闡明焉。而其解亦不過十二三。此非吾志之不克持。而曠其所自任之職也。貧士無田。無錢。財凡一家所需。與交接之費。皆取資於一筆。而吾筆之用。遂隨人所欲。不可得而自主。又身本多病。其筆屢見用於人。則精氣益銷。不得不少休。自養閒有移情於雜學。而自用其筆者。要亦開其端於人。而遂以不休。夫如是。故雖汲汲圖闡明之書。

且未暇以爲而成。蓋實有無如之何者。亦大可哀也已。茲承先生命。敢不益加自勵。苟邑志功竣。必專力此書。以求不疚己之初心。踐往時告先生之言。且將及先生之尙克湛思也。隨所就之篇次。請正俾皆是無非。以果有裨於昔賢後學。斯又形今日區區之志也。倘先生周覽其前後之說而諒之。寬之。則幸甚。

### 上濟齋夫子書

李 鏊

鏊在山不得廁門牆者且三年。囿於見聞。無所推廣。槩鹿之性。遂不復馴。今老矣。又多病無子。一旦入化。便委溝壑。悠悠之名。從之電滅。悲夫。夫天地精氣。集而生人。直百歲寄耳。乃旣立名字。著語言。遂欲攘精氣爲我。有垂數千年不復還。天地亦貪之甚矣。昔者司隸曾峻。於冢祠前石泐孔子弟子趙岐圖四賢像。皆不爲枯骨計也。然又有藉重於標題者。殷比干墓。或傳宣聖書。延陵十字。則王案傳會。二賢名固不朽。然假使無此。則墟墓之有無。未可知已。鏊之不肖。不得與諸賢比。明甚至於不能自立。而欲有所藉。貪固在也。故不勝大願。竊有請焉。鏊棲遲廬峯之

下二十餘年矣。出入起居。日與相狎。精神魂氣。遂與此山較然爲一。生之所樂。死必歸之。錯之所歸。舍廬峯無他山矣。今樹片石。生爲墓表。其標題之者。舍我夫子無他人矣。倘蒙垂許。則千載以還。廬峯之下。傳廬青李。錯其人者。實由夫子之藉重也。敢敬布之。惟垂鑒幸甚幸甚。

答錢湘靈書

沙張白

古人之文。何以必傳。勢與位傳之也。官尊名高。勲業素著。天下之人知之。又有賢子孫務闡先德。門生故吏思報舊恩。跡其生平。有國史以誌其大。有年譜以述其詳。一詩一文之作。讀者皆得以意逆之。而知其立言之旨。故其人傳而其文亦傳。若徒有其文。而欲與之偕傳。僕知其難矣。夫徒有其文者。其人未嘗無志於天下。而其身不能得志於天下。於凡天下之事。僅僅託諸空言。一二傳後。必且并其空言而忽之。何也。其平生有至奇。至困。至痛。至感之遇。而後人不必知也。其胸中有鬱焉。勃焉。愴焉。諷焉之情。而後人不必知也。其爲言有不可斥陳。而託諸說鬼說。

神說夢之幻。後人又不必知也。國史之姓氏。旣泯。年譜之歲月。莫稽。則舉其牢騷。寄託之辭。沈鬱慘淡之搆。胥視爲不祥之鳴而已矣。迂矣哉。寒士之著書立言也。知其迂而爲之者愈多。其心以爲舍是又無以見志也。足下來教。欲僕刪正大集。而引丁敬禮之言。以爲同時之人。乃能定吾之文。斯言似矣。而亦有不盡然者。夫同時之人。貴於吾而號先達者。世故宦情久已。淆其藻鑑。又多忽視衡茅。不肯細尋作者之意。譬則馳騎遊山。雖有動心駭目之勝。亦一往徑過耳。而其少於吾者。又或才未老。學未充。閱世未練。未能周知吾意之所存。若此者。雖不爲益。猶未得損。脫不幸而遇護前。碁勝之薦紳。好詆前輩之年少。豈不殆哉。敬禮生三國時。古道猶在。又遇魏武。陳思爲知己。故其言云云。使生湘靈與僕之時。我知其撫心而浩歎也。然則文之傳與不傳。直聽之悠悠之運。可乎。是又不然。昌黎謂子厚放廢。而後作爲文章。乃能自信。其必傳安在。官尊名高。始稱千古文人也。哉。噫。嘻。文患不足。傳耳。果其確然可信。千載而下。必有知者。揚雄。徐渭。寧知有桓譚。袁宏道哉。

敬禮之言非篤論也。僕以爲不若自定其文以姑俟。後世湘靈以爲何如。

擅責旗廝謝岱將軍啓

袁枚

校初離書舍。便領雷封。雖有愛民之心。未知事上之道。本月二十日。公麾下役張升。徵李氏之租。囚周家之子。移宮換羽。意欲何爲。竊爵母刁。志在恫喝。枚已得其情。略詰其故。而升罔知尺一。任意侮張。莫敖趾高。伯珪聲大。坐獄之鄉。亭盡駭殺青之金布。安存此敎。所以不及上聞。遽加杖決也。然而承符手力。律雖不判。尊卑而臺使軍丁。罪合先爲。上請魏絳。戮揚干之僕。六騶皆驚。秀實誅郭令之兵。一軍盡甲。乃蒙明公薄怒。不形。觀過於黨。始懲破柱之風。俾識堂廉之分。繼赦如絃之直。以全傳棧之材。人謂枚先有不耐一官之意。而後動於刑枚。知公原有不屈一夫之心。而敢行其志。園丁芟主人之荆棘。方欲居功。子孫鞭祖父之家奴。自知小過。念前愆而莫贖。圖自新之有期。從此申公憲以報私恩。依然執法而得下情。以白執事。合緩須臾。庶在野免銅鉞之歌。亦爲公肅銀刀之隊。



與蔣茗生書

袁枚

昔柯亭之竹。非呈響於蔡邕。豈矜奇於秦女。乃過之者。駐轡佩之者。超  
屏何哉。美見者。情生氣求者。聲應人非。矇眛覩夷光。而運眸地非。龔俗奏咸韶。而  
傾耳此鄭風。所以歌緇衣。周易所以稱蘭臭也。若乃惠施測交。而無從屈平。獨立  
而增歎。游魚欲出。而瑟希。雍門思悲。而琴寡。無所感之。誰爲應之。客歲稅駕廣陵。  
見足下壁上詩。煙墨猶濕。素塵將掩。僕手拂口吟。色然心駭。絃歌應節。流水可以  
移情。同堂異鄉。停雲因而增慨。字尾書茗生二字。嘻。江上丈人。澤邊漁父。伊可懷  
也。彼何人哉。僕雖識高敏。夢中之路。難抱張騫鑿空之想。縱有宜生切肺之義。更  
深孺悲。無介之虞。於是殫深心於搜牢。極冲襟於遐訪。西朝執訊。虛位以待。李巡  
東海得書。榜道而求。孫惠愛而不見於今三年。幸安亭公子紆轡白下。道足下居  
洪都之地。爲舍人之官。其才藻耀其人。玉立然後知足。下國之良也。民之秀也。欽  
遲者方望。若歲而馳譽者久。癩若雷。雖然九州大矣。人才衆矣。僕螻伏江表。足下

鳳鳴神都。僕知君君寧知僕哉。豈意銅山之鐘。地隔而霜。應晨風之鳥。樹遠而聲。交邴原。渡海方覓孫。崧北海。有心早知劉。備於是遠。蒙矜寵。重寄篇什。開函香生。凌紙怪發。驪龍未遇。先投六寸之明珠。師曠方驚。更轉九天之清角。識麟一趾。眸子自矜。藏鳳半毛。門庭可賀。所冀足下北行之日。鳴騶臨況。僕冀除敝廬。請吾子之須臾焉。昔者嵇康命駕千里。相思元度。出都一日。九詣心期。匪重手握。自殷緬彼賢流。亶其然矣。足下與余豈在古人之後乎。

與熊中丞論志書書

錢維城

啟者。學政按試各郡。例送府縣志書。得暇繙閱。雖不能徧。而其大端約略都盡。竊見其中是非。有與正史及先賢文集所傳大相背謬。殊駭聽聞者。某恩恩去任。不及更止。執事操得爲之權。有彰瘡之責。敢一一陳之。如遂安毛一鷺。本四明之黨。天啟間以附璫撫應天。與太監李實同致周忠介於死。激成民變。戮及無辜。遂擢兵部侍郎。後罹逆案。而邑志有傳。侈陳其政績。又如嘉興虞廷陞。與魏忠節同鄉。

同年同官。忠節受禍。頗爲憫惜。似有可取。然排擊正人。薦引邪黨。卒罹逆案。而郡志有傳。不書其附黨。反稱其忤璫。公然顛倒。又蕭山志雜記一條。言嘉靖間學使者陳大綬貪酷無兩。又不喜青衿。凡士與民訟。無不責辱士而右民者。一月之內。不黜數名秀才。則食不下咽。是年太史言天狗食文昌。人多殃。故浙場大水。而士受學使之辱。來繼韶傳稱大綬浮梁人。按赤石先生爲萬曆乙未進士。丁未由部曹出督浙江學政。難進易退。中年賦歸養親。屏居深山十餘年。屢登政事。乃起尙寶卿。歷太僕少卿。蓋在萬曆末年。而志稱嘉靖間已謬。先生東林儒者。清節最著。起家循吏。慈惠亦最著。爲督學。當時推爲第一。無錫高忠憲公。謂安得兩畿十三省。皆得赤石其人。而又久於其事。士其有興乎。世其有瘳乎。舍是而言治平。其道無由。會稽倪文正公崇禎初。上疏表彰賢哲。以先生列諸鄒忠介王莊毅顧端文馮恭定楊忠烈周忠介魏忠節周忠毅諸公之間。稱爲眞理學。眞氣節。眞清操。其人品之見推於天下。可知而越人推獎尤至。乃指爲貪酷無兩。且謂天變因之。謬

極。此。必。蕭。山。人。如。來。繼。韶。等。與。先。生。有。隙。故。造。誣。醜。詆。而。修。志。者。學。識。疏。陋。不。能。駁。正。故。也。以。上。三。條。望。卽。檄。飭。削。去。仍。明。立。文。案。俾。後。來。修。志。不。許。因。仍。謬。誤。且。使。已。經。流。布。者。咸。知。其。妄。庶。清。議。常。存。賢。否。不。至。倒。置。其。爲。世。道。人。心。有。益。非。淺。惟。執。事。裁。之。

與朝鮮洪薰谷書

紀昀

前。在。都。門。數。聆。塵。論。風。流。文。采。照。映。一。時。對。之。使。人。心。折。嘗。謂。爲。大。臣。之。子。難。於。寒。素。爲。名。父。之。子。難。於。恒。流。世。祿。之。家。易。於。登。進。然。少。習。富。貴。之。晏。安。長。遂。冠。蓋。之。交。游。雖。諳。練。掌。故。習。知。政。事。誠。如。贊。皇。之。所。云。究。不。免。疎。闊。詩。書。馳。驅。聲。利。而。吾。兄。能。恪。承。庭。訓。沈。浸。翰。墨。歷。踐。清。華。專。對。之。才。聞。於。上。國。使。人。有。烏。衣。王。謝。之。日。其。難。能。者。一。士。族。子。作。詭。癡。符。不。知。其。幾。而。韓。昶。之。改。金。根。白。老。之。無。文。性。嗤。點。至。今。豈。非。以。昌。黎。樊。南。爲。之。父。耶。今。尊。大。人。以。一。代。詞。宗。領。袖。東。國。與。中。華。作。者。相。頡。頏。此。所。謂。極。盛。難。爲。繼。也。而。吾。兄。善。讀。父。書。傳。其。家。學。如。超。宗。之。有。鳳。毛。

叔黨之稱小坡其難能者二故酌與尊大人談恒爽然意消與吾兄談亦爽然意消奉別以後羣紀兼懷蓋非無故而然矣昨接手書兼承朋錫海天寥闊遠想貌然雋品高門諒不久卽登清要惟冀使君西上更一睹清光作竟日談耳

### 與溫一齋論書書

梁同書

尊夫人臨帖二種可謂勤矣出之閨秀實所難得僕細閱之一筆一畫尙不能受我驅使則筆之一字於胸中未化也語云爲高必因邱陵學書一道除兒童時描寫上大人仿本外方圓平直麤能自書矣卽當盡心作楷或日書三五百字不可間斷至半年一年之後自然漸熟熟則骨力彊步伐齊心膽大性靈出然後以心之所好無論晉唐把翫之領會之略得其趣再講臨摹所謂爲高之邱陵具矣然政不須描頭畫角較短論長求中郎之似鄰兒童之見也何以言之我輩生千百年後視古人不啻九天之上萬里而遠欲以地下人接警欵於圓穹能乎跬步間探消息於遼闊能乎此不待智者而知也古人何等伎倆何等才力而況氣運有

厚薄興會有淺深。宋不如唐。唐不如晉。古人且然。又況今人乎。行遠自邇。登高自卑。今人只寫得自家手腕。熟或於高遠。有小分印合處。若一味臨摹。如俗工寫真。耳目口鼻尺寸。不。失。生。氣。盡。而。神。氣。去。矣。僕。嘗。謂。帖。宜。置。几。案。以。自。表。發。不。宜。刻。畫。以。自。縛。者。此。也。猶。之。汗。牛。充。棟。之。書。不。禁。人。看。不。必。皆。背。誦。也。能。背。誦。亦。書。廚。之。續。耳。何。益。之。有。足。下。之。書。已。臻。熟。境。但。字。裏。行。間。尙。少。罄。控。縱。送。之。致。則。氣。不。足。氣。不。足。則。留。不。住。貫。不。下。未。審。高。明。以。爲。然。否。閨。閣。中。自。有。朋。友。互。證。之。何。如。

與錢巽齋論行述書

陸 耀

伏讀所著令先妣劉宜人行述。其體例稱謂一遵果堂沈先生之緒論。甚善。然竊謂行狀之體。如上太常議諡。史館作傳者。宜用公狀之式。不復參以作者之意。如子孫自述其先世德善以求誌銘者。乃本哀痛之餘情。發祈請之至願。必宜從乎作者之自言。而稱其祖父之祖父。悉以作者爲主。父之父爲祖。祖之父爲曾。祖。今果堂乃據穆員白樂天爲證。不從狀者之所自稱。而從所狀之人之所稱。何異。祖。

父。生。時。對。父。而。呼。其。祖。爲。父。對。祖。而。復。呼。其。曾。祖。爲。父。乎。唐。之。大。家。爲。昌。黎。宋。之。大。家。爲。廬。陵。昌。黎。韓。滂。墓。誌。曰。吾。與。妻。哭。之。心。傷。吾。者。昌。黎。自。吾。也。女。孥。壙。銘。曰。始。命。子。弟。與。其。姆。易。棺。衾。命。者。昌。黎。之。命。也。此。下。治。子。孫。之。文。之。例。也。廬。陵。瀧。岡。阡。表。爲。皇。考。崇。公。而。作。然。於。祖。則。稱。皇。祖。府。君。於。曾。祖。則。稱。皇。曾。祖。府。君。皆。廬。陵。之。自。稱。而。不。從。崇。公。之。所。稱。此。上。治。祖。禰。之。文。之。例。也。至。爲。宗。族。友。朋。之。碑。誌。或。發。乎。吾。心。之。悲。悼。或。緣。其。子。姓。之。徵。求。雖。從。所。狀。之。人。之。所。稱。而。必。兼。敘。己。意。以。明。不。能。以。不。文。辭。之。故。曰。君。諱。某。作。文。者。君。之。也。曰。系。以。銘。作。文。者。系。之。也。唐。宋。名。家。無。不。如。此。非。始。於。明。之。中。葉。此。卽。旁。治。昆。弟。之。文。之。例。也。其。於。母。氏。如。歸。熙。甫。先。妣。事。狀。則。稱。外。曾。祖。外。祖。邢。子。愿。萬。太。君。行。狀。則。稱。外。王。父。母。蓋。又。自。歐。陽。公。之。例。而。推。之。未。可。以。爲。非。也。且。果。堂。之。論。既。從。所。狀。之。人。之。稱。而。以。其。祖。爲。父。曾。祖。爲。祖。矣。而。其。自。述。真。崖。府。君。吳。孺。人。之。題。則。仍。曰。先。考。真。崖。府。君。述。先。妣。吳。孺。人。述。於。題。則。考。其。考。妣。其。妣。於。文。則。考。其。考。之。考。妣。其。妣。之。妣。既。考。其。父。又。考。

其。祖。於。義。已。乖。既。妣。其。母。又。妣。其。外。祖。母。於。義。乃。大。不。可。此。獨。不。爲。用。意。惟。慎。爲。言。不。順。乎。凡。爲。文。字。惟。求。其。是。僕。不。敢。以。穆。白。二。公。爲。非。而。固。必。以。韓。歐。諸。公。爲。是。惟。純。孝。之。君。子。擇。焉。

與履先羅孝廉書

胡天游

夫。詩。爲。道。大。矣。昔。孔。子。以。三。百。篇。教。其。弟。子。至。與。易。春。秋。並。列。爲。一。經。是。豈。易。言。者。哉。興。觀。羣。怨。之。旨。風。刺。美。惡。之。微。苟。或。失。之。何。有。於。是。古。之。爲。詩。者。其。味。深。以。長。其。義。婉。而。正。其。意。高。而。辭。麗。以。雅。其。流。連。感。激。悲。喜。憂。愉。憤。時。嫉。俗。之。致。吐。於。心。而。適。然。誦。乎。口。而。鏘。然。其。動。物。也。速。其。與。人。也。多。是。雖。未。能。至。三。百。篇。若。其。旨。猶。有。存。者。僕。常。歎。夫。去。古。逾。遠。數。百。載。來。闖。穴。瑣。屑。者。爭。起。爲。詩。淺。陋。無。識。之。徒。又。或。從。而。妄。多。其。論。說。等。乎。倡。優。之。賤。且。鄙。盜。賊。亂。而。鬼。神。禍。而。不。復。知。欲。詩。之。勿。亡。不。可。得。也。



辱承不棄。以所擬家祭禮見問。謹以鄙見更酌之。唯足下裁擇所祭。自高祖以下。本家禮。以服親準之是也。顧竝祭位次。當以昭穆序。高祖居昭位。曾祖居穆位。初次昭位。考次穆位。祭期當以四仲月擇日。四時之祭不可易也。所擬清明中元十月朔。皆俗節。獻其時新可矣。至冬至祭初祖。立春祭先祖。程子家祭行之。朱子謂以義起者。僕以爲仲冬之祭。當中設初祖之位。歲暮之祭。當中設先祖之位。今云遷崇自高祖始。則初祖兩祭。自無庸舉。若季秋祭禰。當如禮行之。不可闕也。所擬又有忌日生日之祭。僕以爲唯忌日當祭。生日固不典也。今云先人忌日在九月。以當祭禰之祭。與朱子之言適合。在它家自當別舉。若外祖之祭。經禮無文。必欲從俗行之。當在別室。又云族譜已修。宗祠未建。此家禮之大綱。宜卜地經營。爲久遠之規。斯亦仁人孝子之用心也。

### 答張水屋書

吳錫麒

獲讀手書。具言宦況。乃知門臨亂冢。屋繞叢山。幾幾乎青燐代燈。白雲同榻矣。寂

寬之境。遷謫所悲。然計足下濁酒澆愁。蹇驢覓旬月來。如客花開。當春踵杜老之  
豪吟。點倪迂之小筆。亦無悶也。否則借二三父老咨疾苦論桑麻。誼若家人遊同  
鄉井。以云宦隱亦固其宜。至於千金萬金之壽。眼花耳熱之娛。業當顏子坐忘。司  
空見慣。一覺揚州之夢。十年禹筴之場。豈猶望失之東隅。收之桑榆也哉。如其蔗  
境能甘。強臺可上。則借回飈階清漢。固亦大丈夫之志業耳。必謂仕須及熟。貴可  
因人想足下抱純約之懷。負慷慨之氣。溪邊古柳已怕折腰。簾外青山將羞植笏。  
未有不思之爛熟者也。若僕者賦惟窮鳥。泣似枯魚。文章既已遜人。經濟安能報  
國。印纍綬若久不關心。惟冀具菽水之資。了婚嫁之願。然後芒鞋拾路。落葉打包。  
猿鳥無猜。水雲得意。將因樹以爲屋。可縫芰而製衣。賦性之迂實自知耳。方今大  
暑如沸。小年正長。楊有青苔。門無綠樹。言歸之計徒切。望遠之夢或通。何以解憂。  
托荷花而酌子。願言則噫。見荔子而畏余。札到經秋。書成維夏。火雲千里。舊雨一  
心。

寄諸搗堂書

吳錫麒

中州去歲值多故之際。未免公事勞碌。卽聞者亦爲慄慄。頃已如風過簫矣。淡雨微雲。自另換一天秋色也。若弟退飛之鷄。豈應希志青雲。徒以饑來驅人復蹈前轍。南風不競。棄甲則那。卽欲懸布再登。祇增顏汗耳。然謂竟謀歸計。則數間之屋。十雙之田。俱在茫茫。何以爲仰事俯育之藉。設使長安子處。則鑿難煮字。畚莫齋糧。兩地兼權。一籌難展。軒前輕後。直如牽絲傀儡。歷亂胸中。恐河東十斛酒。亦不足以澆此愁耳。先生最愛我者。日見同榜中高飛遠翥。直上強臺。而獨此一老頭陀。插草唱緣。二十年來。依然故我。又將何以爲情。苦緒縱橫。不覺騰於口舌。

與左仲甫書

吳士模

比聞禱車所至。政聲載道。徵諸南北往來。及足下之部民。其信當吾世而有龔黃卓魯。其人僕得託名於戚友之末。若景星鳳凰之快覩也。幸何如之。雖然。靡不有初。鮮克有終。自今以往。足下一失足。則人之責望於足下者。且將視貪庸鄙劣之

徒而更甚矣。抑田畫有言。願君毋以此自滿。士所當爲者。不止此也。敢敬爲足下誦之。往在江甯。見足下與景喬書。頗以窘乏爲念。居官貧是好消息。居官患貧。又是不好消息也。足下何渠至是特恐。左右者。有以窺足下之閒。而稍中以不患貧之策耳。黃山爲足下覓金石三例。不得。僕因以所藏者致之。諒已入鄴架矣。政事之暇。不廢參稽。想見著作之勤也。夫文章緣飾吏治。儒生所以異於俗吏者。庶其在此。然在足下。今日則力有所可。惜心有所不必。分必視民事如家事。定其規模。而以實心實力。一一致之於民。士生斯世。學當求爲有用。如粟可療飢。如藥可愈疾。而無過飽無誤投焉。斯不負生平耳。如僕之卑賤。尙不當以文士名。況足下乎。又聞印山諸子。多舉遠佞相告。署中亦有緣此介介者。是言也。夫子且以告顏子矣。豈其有所指而云然。且足下所當遠者。豈徒曰佞然就遠。佞而言亦願足下終勿以爲易易也。

與陳雲伯書

楊芳燦

自違譚謙。忽更歲籥。山川超緬。鱗羽淹滯。每懷雅度。怒若輞饑。敬維閣下。製錦宣猷。鳴琴箸化。侍奉多福。循蘭在陔。拊循有方。拔薤當戶。臺府賞譽。閭閻歌頌。俊譽雷顛。清聲颺起。下風傾聽。喜與抃會。某遠越隴坻。坐守經舍。敝氈折几。蕭寥無侶。戒香定水。枯冷如僧。涼風碭駭。秋陰黝儻。廣除十笏。荒宮五畝。寒卉宗生。幽鳥族聒。每當晦雨。溟沐長廊。隱翳壁苔。紅綠色類。殘畫砌蟲。啾唧聲應。古瑟對茲岑寂。殊乏趣向。慨焉寤歎。念我故人。莫由咨覲。彌增苑結。加以倫好。殊寡呼唱。莫應帖括。填委苦乏。秀異丹黃。點注彌損。神智才思。轉退撰述亦稀。每念閣下。快字陵紙。俊語霏屑。見示一篇。輒諷百過。譬猶神鄉。奇帛經緯。騰輝海國。異香肝脾。沁馥睽離。日久吟咏。更富愛而不見。搔首踟躕。何當郵示。慰其索莫。至於旅遊。寡味徒事。羈泊僚黨。尠歡更無。結納貧悴。冗散有似。孝標潦倒。麤疏竟同。叔夜徒暖。姝而自好。甘貞孤之不諧。無如甄宇。篤學終累。家室向平。肆意未畢。婚嫁生計。蹙迫方寸。堙鬱每翹。首南望。未嘗不自悔。西笑也。小兒夔生。兩謁高齋。備蒙款洽。閣下念其

窶貧。加以周恤。俾昌黎舉室。暫止啼號。史雲窮居。不須措拾。分金指困。誼等古昔。响溼濡沫。通其有無。高義如斯。銘感尤極。某射猶觀於兔首。味無戀於豬肝。興切尊鱸。夢繞松桂。進泛江頭之棹。佇陪湖上之尊。相見匪遠。馳神轉切。端函削牘。敬候近祺。書不盡言。但聞爰繫。

答趙良甫書

楊芳燦

前奉贈言。敬析名作。發函伸紙。歡喜無量。風藻豔發。天才踔厲。五音繁會。九光徘徊。范史事外。殊有遠致。庾郎胸中。故無宿物。出入懷袖。諷覽無輟。情文兼摯。辱郎君之謙下。揄揚過當。恐君子之失辭。中心欽欽。以感以愧。僕少好辭章。頗自鏃礪。殫精圖史。頤情典墳。托豪素以抒懷。撫瓴缶而發唱。庸音自効。結習所存。如鼙鼉之甘烟。若蠖蝓之赴溼。或歌或詈。一詠一吟。希掉鞅於文壇。庶繼緒於作者。無如人事煎熬。家累驅迫。竊升斗之祿。爲風波之民。邊障十年。羈宦萬里。堙腐性。靈疲頓。竿牘偶有撰述。輒自慙慙。深藏篋笥。不欲示人。志業蹉跎。光陰遷貿。茲復倦爲

塵吏甘作山郎。筋驚肉緩，不利走趨。心頑質堅，偏好冥默。屬文多舛，黻之習當官。有蕭杙之稱，推排已久。覺老物之可憎，揜抑自傷。知盛年之不再，王微之宦情本淡。江革之僻疾難瘳。時恐急景凋顏，牢愁驅壽。思欲返芰荷之初製，踐猿鶴之舊盟。而塵累尙牽，山裝未辦。眷言疇昔，彌用疚懷。兼之京華知舊，意緒寥落。天涯倫好，蹤跡睽闕。握管無侶，舉觴莫屬。春寒陰陰，獨坐閒館。輕塵盈几，飛鳥窺戶。管寧榻破，向栩牀空。我懷云勞，不可說也。足下馳俊譽於早歲，揚采烈於名區。青萍結綠，望氣者知貴。濫脇號鐘，知音者競賞。含香漸越，蜚聲日遠。方當雍容臺省，翔步雲霞。道直途清，相見或易。藉得挹注宏抱，雪滌素懷。跂予望之，心乎愛矣。川途間隔，久遲作報。茲乘風便，聊布夙心。

### 與楊蓉裳農部書

蔣學沂

昔仲舉早歲，薛勤察其不凡。季偉失學，郭泰嘉其至行。品題良幸，盼睐增榮。是以啞鐘待叩，不諧瓦缶之鳴。焦琴入座，自協宮商之律。玄豹韜霧，潤七日之衣。皮神

鸞舞風應八方之節奏。相得益契。有感斯神。敬惟閣下。媿雅羣才。沈浸百氏。定叔通。繇之儀。授伯起華陰之學。不圖末技。遽奏清塵。陋同王粲。獲賞中郎。敏異孔融。見稱元禮。許長離之高。騫愛其毛羽。閔雜縣之失。所警以鼓鐘泥首。無因鏤膺曷極。頃者文鱗剖素。繡段貽珍。詞旨淵深。文章瑰麗。霓裳三拍。聆風水於笙簧。雲錦七襄。錯星辰於機杼。壁龍縱橫。斜行十級。溟鵬變化。上扶九垓。未足方厥奇觀。辟茲異采。洵矣哉。窮窺五千之書。允壽百三之集者矣。而迺孫楚作賦。先示范宗。陳思定文。必推正禮。答李那以裁牋。屬鍾令而定藁。馳思千里。結契寸心。遠渭可涉。象於晨星。長安在望。等諸朝日。德音眷注。魂夢徊徨。敢獻邱言。以資大噓。慨自徐庾以來。王駱遞降。世代屢易。風裁益乖。時尙之習。拘於淺近。方隅之士。囿於聞見。流俗既涉。於迂疏好古。則諛爲背。謬謂儒林之傳。可廢斥科目。而外無文。此一蔽也。羅采怪僻。侈引神異。張溫則詔其問天。蒙莊且矜其測海。叶揚子之方言。造庾持之奇字。高語太嶽。累基不階於尺寸。廣談河曲。導源罕究其指歸。侮龍蟲之



罔聽欺鼓獸之全盲此一蔽也。誹謗前輩。詆訶作者。逞盛氣之聲華。溢汪洋於楮墨。才竭劉表。思炫子布之明。經味虞翻。偏舉康成之謬。畫鳥之迹。不難糾正。僞體猶龍之語。直欲強入異端。此一蔽也。今之才子。動嬰數病。大雅扶輪。名山絕業。非閣下誰屬哉。

### 與張海門論駢體文書

丁 泰

開闢以來。有奇則必有偶。文者天下之華也。天人者文之祖也。天尊無二。上奇也。而地爲之配。則偶矣。人之一身。奇也。無四肢。不成人。則仍偶矣。身一首。而有兩耳。兩目。首一口。一鼻。而鼻有二孔。齒有上下。則亦俱爲偶矣。聖人法天人之文。而爲文者也。其言莫古於易。而乾坤父母。與坎離震艮。巽兌畫卦。無非對者。推而論之。詩有角枕錦衾。三百九十之文。書有暘谷幽都。孤桐浮磬之文。至左氏之傳。戴氏之記。往往雜排比於散行之中。特其氣樸茂。不形其爲對偶耳。東漢而下。所爲文。莫非駢焉者。其體萌芽於三國。繁衍於晉宋。極盛於齊梁陳隋。至唐而變。至宋而

裂。昔人以八代文爲衰。此對散體言之也。若但以駢體論。則固無盛於八代者。何衰之可云。爲斯體者。典病瑣瑣。則不莊。氣病粗粗。則不雅。貌病僞古。僞古則晦。深言病囿。今囿今則墮。淺求之。劉說。酈注以博其趣。求之。金樓拾遺以獵其英。求之。抱朴雕龍以受其範。就夫專家論之。則隱侯調諧。彥升品貴。子山骨清。孝穆才贍。固宜。紬繹全帙。聯其臭味。若夫四傑之文。合者六七。樊南之集。合者四五。棄瑕錄瑜。道在節取。足下但取後漢至唐各史書爲之根本。而以諸子及集輔之。則近人之作。不觀可也。何況鄙劣如僕者哉。行見不爲則已。爲則俯視初唐而齊眉八代矣。然而自古論文者。莫不尊散行而卑駢偶。則以經世明道。非散體不爲功。四六之佳者。則奇花美女。雖爲宇宙間不可數觀之物。而求之實用。則缺焉。是則天包地。身使臂。鼻藏孔。口掩齒。奇可統。偶道固如是也。文豈能越乎道哉。是又在足下之善擇已。

與蔣爰亭夫子贈羊裘謝啟

龍汝言

竊惟施德者不望報。疇敦古道之交情。知弟者莫若師。樂得英才而教育。伏念某愧廁公門之桃李。豈曰能賢。冀聞夫子之文章。欲寡其過。故居貧幾。結鶉衣之百。而盡飾莫施。英粲之三迺。緣顧及單寒。畀茲輕煖。驚敝貂於蘇季。尙無歸洛之期。恍束帶於公西。非奉適齊之使。俾襲衣而充美。洵素絲之可珍。宜歌羔裘之詩。殷殷邦彥。匪藉縑袍之贈。戀戀故人。豈惟春風風人。亦且解衣衣我。何以卒歲。卻之爲不恭。亦以禦冬。敝之而無憾。改爲改造。改作預期。於授餐適館之初。曰絨曰緘。曰總。猶想夫退食自公。以後俾受裁之小子。斐然文章。懍知慎於眇躬。服之無斃。

### 與兵侍周石芳先生書

王曇

西園謁別。承以尙書尺牘。介交淮南鹽權。又承以細生出處。譽薦河隄水工。曇陽鳥戀南塗。馬知水緣。是未稅邗江。先遵睢上。八月二十五日。見松圃尙書於河滸行臺時也。田蚡視水延年之策。太多汲黯治河淮南之病。不減命寓河干。恭候章下。九月八日。伏聆諭旨。不准人員納草投效。相如慕黃霸。一郎之賞。未籌買臣學。

西施半肩之薪。莫負餐珠析桂。遐想龍門背坂。面隍積傷。蟻慮罄十九年。袁宏土  
窖之情。紱五十歲。孟郊無官之故。初曇之待詔公車也。不欲碎胡琴於都市者。欲  
爲端人。不忍彈鬱輪於主家者。畏非佳士。是以麒麟寧擗身於魯。經渥洼不自媒  
於漢殿。語曰。相馬以輿。觀臣以主。此曇始入京師。逡巡趨起於時相之門者。豈期  
掃門。魏勃未見曹參。懷刺。彌衡已逢黃祖。嘉慶四年。以師門芥蒂之嫌。車後塵。塞  
之垢。錯書舉燭。誤點飛蠅。遂轟薦福之碑。忽破太初之柱。當斯時也。腐鼠飛鳶。欲  
亡虞氏。筮篋漆匣。幾殺王彪。都察院都憲吳師。晏嬰民望。荀爽人師。不先涖水之  
鱸。致拔仲尼之樹。曇梁鴻適越。早到蘇州。劉超閉門。絕無賓客。當日之畏影匿迹。  
救寒止。謗江南人士之所哀憐者。已辛酉壬戌。復以靜庵少詹之知。先生賞愛之  
酷。更生之傳。虞監手鈔。會稽之碑。范雲背誦。幾使劉歆。忌口醬齏。莫覆寶融。飛書  
洛陽。傳寫矣。無如昭君面醜。不勝劉白之圖。墨翟書多。未免弦唐之怪。此東坡典  
貢舉而李薦。無名永叔。修五書而韓通。無傳者也。李白曰。千鈞之弩。每發不中。則

當擢。撞折牙。安能效碌碌者。蘇而復上。哉冠一免而貢禹不彈門。一杜而氾騰不出。是以吹簫歸去。仍居胥相之城。廡下春來。終守要離之墓。妾非采鸞。寫唐韻而賣錢。婦是唐寅。買丹青而換米。擬以爲荀曇。禁錮不過終身。王通著書。老於河汾可也。何圖李衡種橘。有賢妻竊笑之時。劉凝隱居。無夫婦遊山之福。一雌忽飛。五倫遂絕。於是逢萌迷路。不識東西。羊曇西州。無非痛哭。此戊辰辛未以來。挈子拋家。重蹈燒籠舊路也。昔有勸李賀必舉進士者。而李賀不從。亦有勸桑維翰無舉進士者。而維翰不聽。曇左思溷上。歲歲三篇。袁虎馬前。年年七紙。蓋蘇季十上不行。實陽嶠八科皆中也。考漢郡國舉士。皆取少年能報恩者。曇四十五歲矣。尙能夢中呪柱乎。馮唐九十。忽舉賢良。唐都百歲。居然待詔。未必然也。舊年都下。讀先生山西程式諸刻。人則郝隆滿奮。盡是高才。文則橘柚櫨梨。無非美物。加以攀安提萬。說項推袁。幾幾乎曾凱下第。欲爲釘足稱冤。王褒愛才。竟與門生擔飯矣。曇胸中柴棘。大半是經濟之書。夢裏江湖。小試亦農桑之具。無奈柏耆杖策。不曾遇。

裴。度。於。淮。西。馬。周。年。華。不。忍。詔。常。何。於。幕。府。覩。黃。河。積。石。之。難。思。睢。水。囊。沙。之。績。乃。復。逍。遙。河。上。徒。賦。清。人。黎。陽。亭。邊。空。歌。瓠。子。是。又。詭。遇。不。得。驂。王。良。之。轡。異。途。不。能。呈。卜。式。之。身。良。有。然。也。凍。蠅。不。翼。沖。天。之。飛。焦。堯。不。救。夸。父。之。蹶。仍。歸。舊。隱。有。地。蒔。花。欲。上。揚。州。無。錢。跨。鶴。祇。申。忉。怛。馳。念。安。和。不。宣。

報工侍吳先生書

王 曇

尼山門下。養徒三千。太史奏來。賢人五百。昨先生示書。謂手放八榜。獨心國士。此孔融之妮。彌衡。謝鯤之泣。衛玠。非門生之福也。盧植學於馬融。而不得窺後列之。女樂。彭宣學於張禹。而不得聞後堂之管絃。俱無師恩。皆登儒傳。先生獨不記迦。葉升座。阿難夜悲。南能傳衣。秀師擲鉢乎。前謁邸第。見閣者屏某門生於門外。而延暈於後堂。擲粥則感郭泰之仁。枕膝則彰孟喜之過。樊儵弟子。皆是公卿。鄭元門人。誰非國器。而使見愛者爲處囊之錐。見不愛者出公超之市。曾子之門。豈無吳起。荀卿之徒。或有李斯。則他日拂衣之惡。割席之怨。非教暈兄事子產弟畜灌。

夫之盛意也。登劉備於上牀。勢必揖張儒於下座。六月河間奉書。謂丁寬何以東歸。楊時何以南去。曇之東歸。東中丞之招南去。蘇方伯太守之聘也。今之幕僚。占之徵辟。無宣明之面。而居青油之安。有僧孺之賢。而容樊川之狂。十倍於長安。索米中書。伴食矣。前歲同門王以鏘榜發。上皇帝命御前進卷。另選一榜。而先生呈勸落卷。曇在第一。非東皋師闔門待罪。伯相公伏蒲請恩。則當日張文朱武。魏玉孔金。一時黜落。科場異聞。曇爲詭遇。此力辭別榜之中書而不願也。羊長和不逞。被馬帖騎潛逃。阮光祿已走方山。追之不及。古之畏影。今之救寒乎。曇聞羊綏佳士。不登謝公之門。楊濟駿人。畏入當陽之座。而今愛士者。纔一聞黃憲於人言。卽力拔孟嘉於座。次十金之雉。而以爲鳴鳳也。楚王賓之矣。蒙童之鶴。而以爲能舞也。羊公譽之矣。究而言之。郭子元懸河瀉水。語議無窮。衛洗馬噉杵搗齏。膏肓有病。曇之炫耀。自貽感爾。西園之遊。見柱國止車門外。置狂生第四車中。此何平叔熱湯汗面之時。王文度手版倒持之日。若非顏回一座。先聞仁祖其名。何致西堂。

百人。惟問伏滔何在耶。太史公曰。世言蘇秦異。異事多附蘇秦。班孟堅亦曰。世言方朔奇。奇事皆歸方朔。不知語許元度於曲室之中。才情自別。進張孝廉於撫軍之座。名理全無。先生以殷浩手巾。拭謝郎面汗。丞相有帳中之客。參軍非入幕之賓也。庾征西料事方皇。豈暇消停盛暑。何驃騎文書不暇。焉能應對元言。七月從東撫軍至歷下。魯婦人鬻而哭者二千家。檀鄉清犢之賊。戰於鄖陽。氏根白雀之妖。鑿於來鳳。此范氏史所謂廣賊橫行。正皇甫嵩朱雋投袂之時。陶謙梁衍獻規之日。討匈奴以自贖。出都亭而待罪。毀鬪子文一令尹之家。立槐里侯蓋一世之業。散折像之財。空糜竺之富。揮黃金如拂汗以犒軍。出美人若宮衣以賞士。韋丹貨宅。魯肅賣田。破波才禽彭脫。谷靜山空。讓功驕將。冠鐵負鑽。歸命司敗。然後書牘背而乞恩。止畫室以埃命。使今日稱郭況家爲金穴。他日不作劉宏論爲錢愚。策之上也。郿塢不能藏畢世之金。鐵門不足守燕陲之穀。潰瘍雖痛。勝於內食。留香不踢。豈能愛臍。如此而竇憲之罪。晚蓋於雞鹿。班史之功。亦銘鼎於燕然。此董



崇之策而寇恂可以自全。孫鑠之謀而石苞可以無禍。不然鄧氏鑄山豈無一簪。王衍留車亦難三窟。策之下也。藥味嘗卑。藥言獻貴。塗麻油掌上。豫見吉凶。聽浮圖鈴聲。先知禍福。所以佛圖澄遊諸石之間。視同鷗鳥。竺法深入簡文之座。看若蓬門。先生愛一狂狷士而欲成其未有之功名。豈不愛一大柱國而保終其百年之富貴哉。先生之言。又曰。帝堯九十而倦勤。則大夫七十而致仕。此先生以經典析疑。弟子敢以史策問難。宋史司馬光王陶皆以五十求散地。呂誨五十有八。范鎮六十有三。歐陽脩六十有五。富弼六十有八。皆不至七十致仕。而時愛大臣者。鷗鳥之賦。陳振所獻。赤松之詩。魏仲所賡。圖五湖而恭公納節。咏生辰而持國歸休。雖少年之言。莫聽。實退位之佛。可作。蕭嵩從容之言。莊敏止足之謂。王晉平山資已足。羊叔子盛滿爲憂。良史嘉之。至若田豫七十纔留賢路。崔咸門生忽贊退休。比夜行於鐘漏。恐描畫於後生。又稍晚矣。褚淵中書而在期頤之後。周侯末歲而歎鳳德之衰。此周易甘臨之憂。係遯之疾也。先生倚馬萬言。全牛一目。召元武。

司馬班固。敕南宮東觀曹褒。數十年矣。張載文章。遠鑄劍閣。劉寬侍講。久在華光。以今比古。李元禮天下龍門。是非名教。庾子躬城西公府。名士門庭。大江以南。一人而已。爲疏廣。則祖道都門。爲賀監。則鑑湖一曲。豈徒南山之蕨。淞水之鱸哉。曇騫比方。千狂非陳亮。有五千卷崔儵之書。無三十乘張華之博。上馬殺賊。下馬草露。布是所好也。左手操黿。右手執馬尾。非其時矣。是以匹練吳門。吹簫吳市。豈不欲抗禮將軍。長揖丞相。一筒餌拜都尉。五斗酒得涼州。所謂應龍以屈申爲神。鳳凰以嘉鳴爲瑞。虞翻不能避糜將軍之船。而能避糜將軍之門也。太山之雷穿石。積燬之火爍金。楊匡郭亮。天下以爲美談。胡廣趙戒。千古以爲口實。以是脫雞冠而辭仲尼。立虎靴以踈王儉。遲先生於機雲二山之間。淞溆兩湖之上。左太沖招隱之詩。孫興公遂初之賦。徘徊五夜。馳驅一書。

上工侍師二書

王曇

伏讀侍宴詩。先生建燕國延年之杖。乘明堂步挽之車。魯恭待詔。白虎觀中。劉寬

侍講華光殿上。此三十年侍從之華。千萬禩文人之福。竊以楊彪八十而光祿。王祥九十而三公。竇熾拜太傅而榮。王琨加侍中而壽。丹青所記。史冊所書。輒以爲不及山濤。未如龔勝。此前書惓惓爲無隱之獻也。山中亦有宰相。宏景何如。紫衣亦侍聖人。鄴侯可貴。與其相國而尊。黃老不若膠西而禮。蓋公語曰。藥味嘗卑。藥言獻貴。劉向之所忠也。鴻濤蕩嶽。餘波見漂。韋忠之所憂也。疊年弱冠。過中書門下。見看衛玠如堵墻。觀狄青者擁馬足。當是時也。知王衍必誤天下。豈必山濤。識衛瓘不免其身。無須杜預。特以徙薪無徐福。其人損權無魏相。能奏我侍御曹先生以貴主之車。不避赤棒。霍家之奴。敢躪大夫。乃搏蝨而不及蝨。披枝而不傷心。猶以爲郅都鷹擊。皋陶鷹觸。京師所貴。先生所知也。嗣是而後。名藏太室。形圖凌煙。譽者謂林甫美相。見者謂處仲可人。積漸之勢。而子魚大於宮中。黃柑美於供御。杉齋侔於延昌。花石侈於艮嶽。王涯井飲。寶玉眞珠。劉惔靈光。滌聲艷妾。請考功地以益田蚡。乞肥牛田以富張禹。方鎮必賂廷郎。貢獻先輸梁門。地衣媚侂冑。

炬燭獻申王。練布千端。一時增價。蒲葵五萬。頃刻生風。尙無王導震主之威。故無石慶反室之詔。而俛眉承睫之士。乞兒向火之輩。爲大參拂鬚。與太尉濯足。吮總管之馬膿。嗅相公之靴鼻。手捧溺器。口承唾壺。幾幾乎恩府恩父。摺笏開籠。願相公百二十歲矣。幸而班固傳毅之流。未充幕府。禹錫宗元之士。未立權門。屈己不過呂誼。傾身僅有徐紇。頌功尙無張竦。懷刺惟見崔暹。及王鉞兼二十餘使。國忠領四十餘職。於是范溫蘇過。盡是通家。丁北嚴南。無非孝子。或晝日獻筆。或賣鼎呈辭。或一斛而得涼州。或萬緡而改宣歙。或尙書由竇。或御史呈身。師且獻妻。程松納妾。媚史王不殊鷹犬。詔安石無異家奴。至於今日。而祝欽明踞地搖頭。五經掃地。揚子雲周公以來。無若安漢之懿己。北史盧祖詢曰。我昨東方未明。過和士開門。已見二陸兩潘。森然與槐柳竝列。今者沈約之流。多於老鼠。元稹之類。不少蒼蠅。昏夜而參丙吉。臥內而見文場。續命之物。黃龍之湯。見幾者以爲與受和凝之衣鉢。不若不識和安之北斗也。指楊右相爲冰山。識張昌宗爲海市。桓公之裘。

企生不感。孟德之財。良家豈污。而欲以屈釐奴婢之室。爲孫宏招賢之館。且欲以曹公自家之金。鑄呂布將軍之印乎。以匡衡入史。高之幕。經生羞談。以崔駰爲寶。憲之寶。白衣何補。曇擇澤求蹊。披榛覓路。韓愈門生。寧爲馬勃。梁冀席上不貨。牛黃。日者吳會棲遲。長安西笑。所謂伯陽入秦。及關三歎。梁鴻適越。登嶽長謠也。夫位高者疾顛。嗜厚者腊毒。視遠知晉厲之亡。舉趾識莫敖之禍。豈有鳧毛龍鮓。博過張華。牛鐸勞薪。識同荀勗。而不見虹霓之雨色也。毀家之說。旣不信於鬪文。折翼之夢。恐終應於陶公。誰爲鮑生之言。徒負召平之弔。一亞父不爲置箸。百張良不能爲益。世豈不知陶桓公珍奇寶貨。富於天家。金谷園玉色。金聲別於婦女。而猶愛香噬臍。惜指失掌。安知戴法興之鑰匙。不爲大盈庫之寶藏乎。來書謂密康必禍。羊舌終危。謝晦將亡。門庭有藩籬之隔。延之不幸。平生見富貴之人。先生亦見其溺而不救也。危而持顛。而扶孔子。所以待季氏。食云食。坐云坐。平公所以事亥唐。今稔知其山非銅陵。家非金穴。埒無錢溝。地無黃鐵。徒有迴天獨坐之名。迄

無四貴五侯之實。此梁商薤露之歌。酒闌上已。孟嘗雍門之琴。游童牧豎矣。呂种  
豫禍。纔知馬援神人。奴輩利我。始信石崇東市。竊聞胥靡之人。登高不懼。彭祖之  
慎。觀井爲憂。是以稱疾竇威。急歸田里。棄官褚裒。避地幽州。裴潛識者。去劉表而  
不依。許劭歸乎。見陶謙而早捨。前書未盡。望馬吳門。何日見歸雲之慶也。起居萬  
福。

上工侍師三書

王曇

示書謂。暨。艷。盛。明。臧。否。陸。子。璋。戒。其。必。傾。張。溫。清。濁。太。分。諸。葛。公。知。其。有。禍。此。馬。  
文。淵。之。教。子。姪。惡。國。武。子。之。招。人。過。也。曇。聞。翟。威。壞。陂。天。帝。亦。怒。桓。譚。鼓。琴。宋。宏。  
不。樂。昔。者。周。章。以。太。守。親。竇。憲。爲。憂。袁。宏。以。伏。滔。在。桓。府。爲。辱。今。高。幹。旣。無。雄。才。  
鄧。隲。豈。能。好。士。此。楊。駿。辟。王。彰。而。不。就。張。華。聘。韋。忠。而。終。逃。也。陳。咸。受。父。命。不。從。  
駱。統。辭。母。面。不。顧。有。自。來。乎。田。寶。居。中。廉。藺。處。外。而。泄。泄。者。以。景。升。木。偶。子。陽。俑。  
人。當。公。鼎。之。重。居。在。人。之。右。疾。藜。失。據。鳩。毒。爲。甘。遊。其。門。者。非。溫。太。真。謬。敬。王。敦。

詐交錢鳳。卽周尙書陽爲姦毀。陰取封侯。爲之危矣。楊炎爲元載復仇。盧杞與劉宴報怨。將無有賣丁大全之直聲。試陳宜中之反覆者。明日發寶參之贓。必有敬輿。他年斲林甫之棺。誰爲李泌耶。聽三言者成虎。指千夫者無病。而況爭棋已禍。伏西鐘。穿堙已釁成東市。豈霍禹之關將斧斬。而王伾之門猶羹沸乎。聞之出處在於機先。去就決於事始。聽洛鐘而知銅山之將崩。聞馬嘶而識主將之必墮。是以羊欣自疎於桓元。蒯欽自疎於楊駿。刁約用事而苟遂疎之。義康用事而江誼疎之。先生以晏嬰之望。阮籍之曠。陸機非好遊權門。杜預豈喜事朝貴。彼將師鄭元以重諸侯。交張華以光董灼。班固燕然之銘。馬融西第之頌。務觀南園之記。潘勗錫命之辭。先生皆無有也。而猶恐盧仝終累於王涯。令狐或傷於元稹者。嵇叔夜之形交。未絕。鄭當時之請謝。難辭。爾中台坼而彼不知。第門壞而彼不悟。朝夕之間。一節入其北軍。飄風失其儀。蓋國家棄寶憲。不如孤豚。刺袁盎。何須十客。卽不然而長平故人。移於冠軍。魏其客士。歸於武安。欲回王雅之車。思散翟公之雀。

呼吸變遷矣。先生知處仲非忠臣。識安石誤天下。惡絳灌無文。懲博望不學。亦嘗笑晏颺管輅與泉下人語也。今日之勢爲禽息。則憂國而爭爲廣德。則止車而血。列癡相之罪。褫獨坐之權。使范雎一言而穰侯兄弟皆廢。石顯一徙而充宗黨友皆安。則一簡之紙。百世之史也。然後借荊州之布飯。帆秋風之菹菜。辭司馬光洛下者英。爲白樂天香山九老。時蘇郡建白公祠。錢辛楣宮詹家蘭泉司寇趙雲菴觀察陳東浦方伯王夢樓侍講諸公皆遲先生歸爲九老會。邴原曰。公臣不事冢宰。君在不奉世子。況當此日月重輪之世。而不爲朝陽一鳳之鳴乎。趙昌調佞。敢害鄭崇。張禹帝師。豈畏王鳳。必有助先生而攀朱雲之檻者。上聖主賢臣之頌。王褒釋屣而來。讀忠臣義士之書。尹勳投編而歎。一疏待漏。馳念寢興。

上都憲師四書

王曇

先歲二書。兩蒙獎答。一書不報。寒暑憂思。昨閱邸寄。知先生晉升總憲。喜極無眠。以伯鬻爲耳目之官。以君牙爲股肱之寄。露章請劍。去佞拔山。躡嚴相之一樓。除



秦門之十客在此時矣。霍雲家倉卒之日。上客頭焦。郅君章奏書之時。狂人膽落。夫權傾天下不疑。功蓋天下不忌。侈窮人欲不貶。郭汾陽可以當之。儀禮比於蕭何。封邑比於鄧禹。賞賜比於霍光。梁伯卓非其人也。今者賜步挽以寵尉。借明光而避暑。珥貂插筆。決奏於休源之前。南面黃綸。畫敕於龍駒之手。侯安都供帳稱觴。韓侂胄假筆升黜。見一斑矣。驚先趨則誤拜江都。著黃衣則醉呼萬歲。凡諸故事。略在今聞。而且林甫恐對策言姦。尙書覆試。元載禁百司奏事。先白長官。前者鮮于討南詔大敗。國忠署其戰功。劉法爲夏人窮追。童貫隱以捷報。今復使王衍營三窟之計。弟非敦戎。命謝元督淮上之軍。人皆巷議。姻戚若樊靡卿之父子。竇廣國之弟兄。有幾人哉。褚裒國戚。猶讓大權於會稽。王蘊封侯。能避恩澤而不拜。今則受爵天朝。拜恩私第。雖無荊州十郡女壻。實用謝安一半門生。入捷徑者指爲終南。至昇門者此中輻湊。蔡義可制。居然霍光。關播不言。儼然盧杞。運掌而賤吏富於季孫。咳唾而爛羊貴爲郎將。服食次於尙方。園林侔於暑殿。膳夫庖人。繡

衣錦綉。珠襦玉柙。秘器東園。總其歎迹。具在前書。以今喻古。所謂毛髮灑於奉冊。芒刺生於驂乘。在此時也。而又有猩猩死酒。蛩蛩負驢。甯烹五鼎。甘臭萬年者。爲之羽友哉。都憲爲漢御史大夫三公之貴。居丞相之次。在將軍之右。非梅福上書。申屠對策。可以比擬也。先生乘徐樂瓦解土崩之勢。爲賈誼流涕痛哭之奏。捧日天門。徙薪曲突。或不。至。然臍漆首殉。以廚車亦不致。鵠喜蛇迎。罪干虎睡。兩宮有入議之恩。九卿有十宥之法。爲昭平豫贖死罪。使曹爽不失富翁。貸爾朱緩其牛。刀寬字文。遲其玉珽。則先生厝朝事於太山之安。存丞相於牘背之上矣。我國朝康熙二十七年。御史郭琇參奏大學士明珠七款。早申一疏。夕命三褫。載在典章。藏諸歲史。昔者漢宣帝知霍氏不善。早在民間。唐代宗收元載端目。盡出禁中。而況我今皇上日月離明。雷霆震出。及今不劾。而先生嘉謨。猶曠官曠位。一朝蕩然矣。夫事之急者。不能緩言。心之忠者。不能諛聲。高彪覆刺而投書。迫也。劉陶驛馬而上。便宜激也。曇糟粕。書生都養弟子。以枕膝感孟喜之恩。故發被露。湯軻之醜。

亦知廉頗當失勢之時。故爲潘尼作安身之論。倘引嚴郢以發楊炎。假庾準以傾劉晏。則非先生仁者之用心。而事亦緩矣。劉向曰。執狐疑之心者。求讒賊之口。持不斷之意者。開羣枉之門。若彼相居累卵之地。而尙圖太山之樂。爲朝露之行。而猶思傳世之功。則請先生以是書上之。彼相身當披鎖。甘服上刑。述王雅之生平。書生膽大。題曹公之活字。相國門寬。

### 與盧抱經先生論公穀書

王 曇

讀屈原離騷以爲狂人。毀仲舒公羊而遭鬼殛。若賤子者。郭泰靴聲。不聞吉莫。陳奇論語。久付薪樵。荒經蔑古。非一日矣。昨承示公羊辨說。所謂得館陶服氏春秋。是晉世永嘉舊本也。先生以飲酒之謫仙。作講經之博士。賤子不枕孟喜之膝。亦豈食皇侃之唾哉。至後附穀氏數條。所謂鐸椒之解不足。許瑕邱之說不足。取歟。元魏之末。儒者繼起。北史謂其於公穀二傳。諸儒多不厝懷。先生何不食大官饌。而賣餅耶。

答陳雲伯書

王 雲

奉東海傳書於德公桑下。開槭一讀。語語出於肺腑。來書第一事與小雲書。不宜多諛辭。凡忘年之友。所期於少年者。竊謂如禰衡之才。豈及孔融。而諛之以顏淵復生。顏淵之克己復禮。豈肯赤身裸體。打鼓而罵曹者。因其好學與顏淵類。故以顏淵許之。若黃憲學問大成。則直曰國有顏子矣。小雲洋洋纒纒。筆底之零金碎玉。一掃數斗。鐵雲在眞州。謂良士曰。小雲比蘇過好。才高而氣下。及良士還吳。視其詩文。諦其氣息。聆其語言性情。從肝膽出。心以爲吾輩之替人也。喜之至。故許之過。良士浪遊數十載。見前輩賢哲。皆以此法誘掖後進。故眉飛色舞。而欲於諸老後分一席也。今甫與締交。而瑕疵之。譬如吾輩盛開之花。而責初茁之牡丹曰。汝蓓蕾小牡丹之才。必望我鐵梗盈抱之海棠。而卻蕙矣。小雲此時清才也。美才也。實奇才也。我輩目不遇奇才。遇清才美才。而亦奇之矣。況果奇耶。良士素畏奇才兩字。謂用之不善。不特嵇康鍾會孔融禰衡之倫可鑒。卽太白東坡亦以奇才

受累。良士不敢自誤以誤人也。蓋喉舌間有一斛言語。欲進吾小雲於百尺樓頭。又紅柏山莊有秘書數百種。欲效蔡邕於王粲故事。託付得人。庶心無罣礙耳。來書謂足下之詩不如鐵雲樊村。且及良士。請以我四人之長短論之。鐵雲前八卷之詩。良士常向上一筆勾卻。曰從此存集。則先生之詩無古無今。獨步宇宙。於尊兄碧城仙館詩曰。一篇不可刪。二說出一人之口。非佞也。蓋碧城十卷之題。皆人所欲作之題。如吳梅村永和宮詞圓圓曲。但看題目。已是驚采絕艷。故可改而不可刪。鐵雲八卷前出鬼方。則不若馬墨麟徐芝仙諸人之奇險。出入京師而贈答諸人。皆人世所不聞名。故謂之曰刪。樊村詩體。漢魏正始之音也。其作南北朝樂府。是蹈楊鐵崖之前轍。與鐵雲之春秋樂府皆揚子雲。太元經。寂寞中。耗費精神。非人人胸中欲作之題。恐作者極意矜重。閱者祇作十七史。彈詞看也。碧城詩良士欲盡一年之力。首首和遍。恐蹈詭符之誚。故不果作。蓋自有詩集。碧城一集。如秋霄月華。玉輪五色。如春林花。讌繡幔十重。又如天女炫妝。仙娥顧影。吐咳。

珠。玉。隨。闐。風。飛。落。人。間。也。宜。將。刪。去。之。作。首。首。改。存。不。可。一。首。刪。也。謂。不。如。鐵。雲。者。萬。里。路。爾。不。知。萬。里。中。人。人。欲。作。之。題。不。過。百。餘。如。蜀。道。中。人。人。欲。作。之。題。皆。在。鳳。翔。漢。中。皆。陝。西。也。入。劍。門。則。武。侯。廟。綠。珠。井。明。妃。村。而。已。縱。作。一。首。登。峨。眉。絕。頂。詩。無。人。能。口。誦。也。老。杜。在。蜀。如。秋。興。諸。將。皆。在。成。都。而。作。西。京。之。詩。故。人。人。流。涕。而。讀。之。今。樊。村。胸。中。深。知。其。故。不。能。懸。虛。而。作。故。作。樂。府。此。避。易。而。趨。難。樊。村。之。慷。慨。悲。歌。嘗。稍。讀。其。數。十。篇。而。惜。乎。其。未。全。讀。也。想。其。盛。氣。流。行。驚。人。心。目。之。處。必。不。在。南。北。史。樂。府。也。質。之。樊。村。亦。必。首。肯。至。若。良。士。則。甚。愛。碧。城。一。切。之。題。逞。其。狡。獪。伎。倆。而。改。爲。董。賢。廟。碑。孫。夫。人。廟。碑。蕭。皇。后。哀。文。懿。德。皇。后。哀。文。明。與。雲。兄。爭。勝。而。不。和。大。集。之。題。者。物。可。一。不。可。兩。也。去。年。見。頤。道。堂。詩。選。益。多。憑。弔。古。今。表。章。忠。烈。之。作。驚。心。動。魄。自。以。爲。不。可。及。故。有。必。傳。兩。字。之。作。及。觀。崇。明。往。來。一。冊。多。至。百。餘。首。則。心。竊。不。然。以。爲。鐵。雲。之。詩。多。於。前。而。雲。兄。之。詩。多。於。後。將。來。之。病。必。無。好。題。目。而。隨。遇。皆。題。目。矣。此。不。得。不。爲。雲。兄。進。一。言。也。儻。其。才。

使不卽伸。忽然而作一首。得之天籟。或出鬼謀。則半首一篇。勝他人之十疊韻矣。譬如良士作始皇墓詩曰。五百童男浮海去。八千子弟渡江來。揚州在汪劍潭。先生席上。他人閱此二句曰。此秦始皇一聯。輓對人人胸中有。此語而未嘗湊成一對也。所謂鬼謀者是也。雲兄新集中篇篇有之。不謂過自謙抑。昔有謙之太過而不嫁其三女者。可以鑒矣。尊伯老成清簡。是徐稚子郭林宗一輩人。見屬壽序。當竭其心思能事而構之。而略節不詳。古人作序作傳。皆舉其平生行事之零星碎小者。摹寫之。如謝安傳。絕不序其奠安江左之功。而序其坐海船扇蒲扇著圍棋折屐齒而東山絲竹至今如聞其聲。卽馬遷作高祖本紀。亦不過序其賴酒錢闖博場。使兩女子洗足而英雄之氣奕奕在紙上也。昨有一書寄小雲。屬添寄數條。遲久未得復。故先擬一篇奉政。仍望將嬉戲釣游之事。或幕中所辦公案利弊。反新異可傳者錄寄數則。俾得添入此序中。使文勢波瀾往返。則不同於章陳之沿襲矣。來書謂傾東海而潤筆。今急就而序次之。恐遇轍之鮒。見笑於東海龍王。

而以為不足潤也。小雲代贖秋衣。而北風又來。索逋之客。座上常滿。較十年前浮家泛宅。全家在皋亭梅樹下度歲。另是一種風味。日日效陶淵明作乞食詩。顏魯公作乞米帖。知必有賞其筆墨之佳者。雲兄其首屈一指也。崇明卸事。若得實缺。良士思以方外之身。作碧城書記。先為大集作一箋注。次將萬春園院本作成。再將鐵雲之琵琶賺人面桃花及諸樂府。令兒子善才書一通。藏之碧城仙館。此自一大願也。蓋自國初至今百八十年。詩人輩出。至雲兄而集大成。鐵雲常與良士言詩壇一席。各宜避君三舍。此後惟當以詞曲度日。鐵雲詩勝良士。尚作此書。況良士耶。況有追風逐日之小雲。伉儷耶。文章五色。鳳之雛。無非丹山鸞。良士之合十讚歎。未有已也。尊兄勿過責也。山莊柿葉初紅。老梅艾納作紺碧色。望東海朝霞。隔大海水。思君不見。我勞如何。嘉慶丁丑秋日。

此余丁丑年在崇明初刻頤道堂詩。樊村勸余盡刪碧城仙館舊作。仲瞿謂舊作一首不可刪。因作此書相寄也。蓋樊村學人之詩。墨守婁東沈敬亭許九日



之派。沈許奉歸愚爲圭臬。故所見如此。余十四卷前從樊村言。所刪較多。已梓成大半。後亦覺其減色。因以所刪另編外集。至今頤道堂全集。微特不愜閱者意。亦不愜己意。手定之集尙如此。況身後待人論定耶。因思古人全集完善者少。職是之故。試取漢魏六朝三唐兩宋及元明各家全集觀之。毫無遺恨者幾人哉。余詩自頤道堂全集外。加以西泠五集。華胥七編。秣陵集。戒後詩存。畫林新詠。不下萬首。潘榕皋先生謂余詩過多。無人能閱全集者。故擬分類分體。另編碧城詩髓一編。損之又損。尙及二千首。則多之爲患也。此書久藏篋衍。因錢君梅溪爲仲瞿哀刻文集。因錄與之。並識顛末。以志良友相愛之意。誤從樊村之言。在當日亦未嘗無所見。且非此則詩格不能變也。故無悔。道光戊戌六月雲伯書。

### 答吳聽山書

胡敬

千鴻叫月。如坐深山。一鶴銜書。忽來遠道。發函驚喜。深慰離悵。勸我加餐。知君無

恙中敍團沙易散。戴笠空盟。飢驅少閒。學殖如昔。我聞斯語。能無愴懷。人之相知。貴在情愫。猶憶曩歲。歡敍生平。野寺尋碑。孤篷聽雨。把蔗竿而起。舞撫石鼎以聯吟。態笑余狂。詩嘲君苦。一旦判別。三年於茲。羲馭不停。萍踪難合。悲已僕頻。年夏課忙。過半生。獨坐春風。舞來六度。妻孥竊笑。路鬼挪揄。嗟嗟殺青。難窮還白。無術齒少。潘安仁之歲。已見二毛。命如羅昭諫之窮。竟慳一第。有時欲盡焚筆硯。而蠹魚自故紙外。更何處可覓生涯。讀書原不爲功名。而啖蔗入老境。以來於此。中得少佳趣。徑欲摒棄一切。發憤三餘。解脫因緣。破除煩惱。日錄五十紙。口誦八萬言。則又語不驚人。夢少投懷之錦。簿空點鬼胸。無記事之珠。雖儕輩悠悠。誠亦未肯多讓。而如石落落。其將何以爲情。重以門戶支持。米鹽淺雜。護麥田而成黃雀之賦。情隨境遷。向秋風而感白頭之吟。歲不我與。辭典雅足傳於後。惟君宜早圖之。臣少壯。猶不如人。其他類可知矣。難期後會。還憑夢裏逢君。忽發狂言。所恃友能知我。

答葉燾菴募輯釋典韻編書

胡敬

伏維三十六母。闡韻學於沙門。二十萬言。譯梵本於皮牒。翻切所起。部分之嚴。揆厥由來。斷由彼岸矣。先生精覃內典。提倡元風。以慧業之文人。作詞壇之禪伯。搜劉向西京之錄。得浮屠七十四賢。繙靈運南本之經。演妙義六十二卷。良以釋法顯則躬繕薩婆多律。謝慶緒則手輯楞嚴真詮。嫌密行經卷帙之繁。慧遠親加刊削。恨首品經章句之闕。士行遠出尋求。以至南安擅轉讚之工。東安矜習誦之博。莫不因緣文字。觸發思惟。祇樹林殘。鐵門限敞。況復九十六種杜衆邪之門。一十二緣開先覺之路。爲迷津之寶筏。爲法苑之金繩。爲藝圃之旃檀。爲詞宗之衣鉢也。乎是用乘參最上。會啟無遮。建精進幢。浮淨覺海。發勇猛願。生歡喜心。遂解髻珠。開梵筴。分我等以摩訶之第十九。大品之第十三。琅函始披。驚覩大千之世界。戒建先定。同遵不二之法門。或謂談空空者。契元關。味如如者。歸寂照。彼釋迦掩室於摩竭。淨名杜口於毗邪。悟風幡之本無。散天花而盡落。總由悟入。匪恃言詮。

不知給孤獨之園。黃金布滿阿育王之塔。七寶裝成鬘帳。千重祥輪。五色現法。相而纓絡圍繞。鬘層階而琉璃合成。豈有曳壞色衣。猶說一絲不挂。入衆香國。甘心空手而歸哉。惟是三寶流傳。恒河沙數。一音演說。浩劫塵多。欲裒小品之櫝函。須資正法之眼藏。所貴鉤稽宗旨。勘落繁條。斗藪俗氛。破除魔障。心香一瓣。信手拈來。柿葉三間。然燈寫徧。哺小兒一千道之乳。胞胎本同。綴牟尼八百顆之珠。貫穿不絕。金鈴個個。玉磬聲聲。於無盡藏得小三昧。編大藏而都爲一帙。寫阿毗而奚俟。三年至若曇延。漉槃之箋。襄陽般若之注。校從他日。鈔望後人。甄解析疑。美先現於彈指。澄覽博映。多無取乎搏沙。從此舍衛城中。不勞乞食。靈山會上。便悟拈花。要使一粟微茫。廣開無量之功德。半盂澄淨。消納兩戒之山河。霑漑自布。身施大衆。君之宏願。我所深參。敢不借法炬以照迷。數貝多而分輯。如乙如己。體仿佉。盧之橫行。多華少華。暇從迦葉。以參究因。述我聞之。如是未知君意之云何。

敬。啟。前。日。不。揆。樛。昧。蒙。示。大。集。雜。誦。之。下。如。與。君。對。醇。意。所。發。實。獲。我。心。竊。窺。諸。作。五。言。雅。馴。近。體。流。麗。歌。行。元。本。太。白。規。撫。靈。均。時。於。行。間。流。露。真。氣。真。氣。所。在。情。韻。生。焉。僕。嘗。論。之。發。言。爲。詩。如。彼。動。植。鼠。姑。樵。悴。猶。尙。愛。翫。蜀。葵。絢。爛。不。加。矇。盼。一。有。韻。一。無。韻。也。圖。成。佳。麗。遠。勝。姑。射。謀。薦。寢。席。不。如。齊。女。一。有。情。一。無。情。也。是。故。推。襟。送。抱。豈。必。在。在。膠。漆。而。情。深。者。無。淺。語。風。雲。月。露。豈。必。念。念。忠。孝。而。韻。逸。者。無。凡。響。使。才。士。著。犢。鼻。滌。器。市。上。依。然。風。流。強。市。儉。捉。麈。尾。以。助。譚。柄。祇。益。醜。態。此。又。雅。俗。之。所。自。分。也。方。今。論。詩。率。以。詞。勝。諸。前。達。未。悟。斯。旨。夫。琴。瑟。專。一。誰。能。聽。之。文。章。不。同。有。如。其。面。縱。不。能。謝。朝。華。啟。夕。秀。以。憂。憂。獨。造。亦。奈。何。是。末。師。非。往。古。而。陳。陳。相。因。豈。有。攘。取。秦。樓。楚。館。片。言。卽。可。稱。玉。谿。再。生。覓。得。步。搖。條。脫。佳。對。遽。自。詡。金。荃。麗。製。哉。僕。固。舊。坐。此。病。所。苦。欲。改。未。能。君。信。別。出。新。裁。應。歎。斯。言。不。謬。耳。附。上。次。韻。詩。如。干。首。小。令。如。干。首。統。希。鑒。別。伏。俟。箴。規。見。軍。中。鼓。琴。已。早。心。怯。聞。市。上。擊。筑。又。復。技。癢。然。魯。酒。寡。味。知。稍。嘗。輒。止。賜。牆。及。肩。早。一。覽。無。

餘矣。

### 與友人書

陸繼輅

俾來。言所治地僻而土瘠。城中居民不及百家。大府以足下曾任繁劇。才大不可。以簡縣屈。若以治獄留省中待遷。其可。足下遂瞻顧不行。僕聞之。未以爲信。何者。地僻則官無奔走迎候之勞。可專志爲治。土瘠則民無驕奢淫蕩之習。而教令易行。此正宜足下所樂。乃自春徂夏。猶未上事。是非徒有所瞻顧而實自薄之。不屑往也。果爾。則足下之才。方今郡守監司不逮什百者。何可數計。而足下乃浮湛縣令。將并薄之不爲耶。向在京師。見牧令謁吏部出者。欣戚之意。判然見於顏色。叩其故。則曰。某地官富。某地官貧。訟言而不諱。吏習如此。可爲深歎。豈足下胸中亦有此等計較。未能悉化耶。抑別有他故。望卽裁答。

### 貽友人書

劉嗣綰

長江帆駛。聞在杪秋。道出鳩茲。冀展良覲。比奉故人告知。閣下因舉孝廉方正。迫

於歸里。足下名場坐困。垂二十年。倚閭之望。未知所慰。竊體介母求祿之意。冀遂毛生捧檄之願。足下之心亦良苦矣。顧進退出處。所當三思。古者周崇六行。仁讓同興。漢制十科。賢良並策。朝重端門之典。世高講幄之風。大儒循吏。鮮不由此。方郡邑之舉也。足下當固辭。不能以曹邱之揚。自解於毛遂之薦也。且名者實之寶也。誠使素履有孚。嘉遯无悶。歸厚之門。昔人所旌。通德之里。過者猶式。如徒以名而已。季良名流。取之以誠。子弟公謹。才士黜之以懲。風俗彼葉。公所好之。龍騰笑乎。公卿羊公不舞之鶴。貽嗤乎。賓客由來舊矣。夫人卽至。哲必不能掩己之短。以兼人之長。人卽至。愚亦必不肯棄其所工。而用其所拙。今足下既不獲焚棄筆硯。刪除詞藻。就繩墨之訓。務布帛之言。去文苑而入儒林。舍文章而談道德。則必至名實不相符。言行不相顧。虛車不可以行遠。贗鼎不足與入廟。繫而無用。致歎匏瓜。華而不實。貽譏桂樹。若足下者。爲麒麟之楨。耶。爲鸚鵡之車。耶。僕竊爲足下不取也。僕學植未成。行能無算。前望修途。茫無所託。願以知交之雅。聊盡忠告之道。

齊甘荼苦鑿此區區。足下勿濫南郭之吹。免貽北山之笑也。幸甚。



上海文書局發行

東萊博議約選

呂氏博議一書原爲課試而作  
雖格律不高然文從字順足以  
啟發後學不少門徑作史論者  
所當奉爲嚆矢也顧坊刻絕鮮  
善本是編經藍韻石先生精心  
箋註援引切當迥非時下坊本  
可比並將原文加以潤飾尤見  
精彩

全一冊 定價四角

▲本書特色如下▼

- 一、詞句整飭
- 二、注釋詳明
- 三、版式疏朗
- 四、校勘精審

各省中華書局經售

上海文書局發行

古文觀止

全六冊定價六角

本館鑄印坊本翻刻雖  
多錯以誤傳少價賤  
廉者誠非淺鮮  
害讀重行排版特  
本局與王均卿先  
請吳興一過誤處  
生校勘正評註未  
均之行改亦經首  
妥之細處亦經首  
詳酌改小篇原特  
增于者酌改小篇  
止選清明代及近  
續子名曰代及近  
名作學名曰代及  
觀文止觀學名曰  
古文觀止觀學名  
自古觀文止觀學  
自然此為善本  
自文觀此為善本

續古文觀止

全四冊定價六角

本編繼吳氏古文  
觀止而編吳氏至  
明為止茲從清代  
至今選得一百七  
十餘篇皆名家傳  
誦之作音注眉評  
較吳氏為詳明且  
簡百列小傳以備  
讀者參考

各省中華書局經售

148223

上海图书馆藏书



A541 212 0014 9337B

©

8/1



14822

3